


2294
4034a
v.1

4

21

BERKELEY
LIBRARY
UNIVERSITY OF
CALIFORNIA



目錄卷之上

安邦俊日記

李氏家狀

白沙集

荷潭錄

日月錄

石潭日記

己丑錄

掛一錄

魯西集

石潭日記

涪溪記聞

安鍊石黨論源流

石室語錄

月沙集

荷潭錄

己丑錄

東岡集

金時讓破寂錄

西崖集



野乘

撫松小說

時政錄

荷潭破寂錄

白沙日記

白沙行狀

朝野記聞

眉叟記言白沙李相國事

魯西集

崔氏九逸傳

混定錄

錦陽尉朴淵撰白沙行狀

日月錄

銀臺日錄

龍洲集鄭碑已丑錄

桐巢錄

安氏手錄

校刊東南小史序

夫天地之大而寒暑灾祥有不得其常者何哉人固不得無憾於此也竊嘗論之天道玄遠久而後亦有報應蓋亦莫之致而致也今人有不耕不穫而視天夢夢幸望其兩粟又有今日行一善事明日責報於天曰爲善無報者皆妄也苟使雷霆日轟轟繞天而爲惡者擊之爲善者則日與之富貴福澤天亦曷勝其勞攘哉國朝士禍之酷至於己丑之獄而極矣天生善類若將陶鑄一世而又生鬼蜮之毒子光誣國史袞貞倣識文子光袞貞合爲一人釀成東南之禍而張羅設罝芟夷殆盡噫神天俯臨忍使善類就戮而黨人之計得售於暑廊之上是則可謂有天道耶雖然尺霧障天不

能虧太陽之明重陰遍宇窮泉之一雷猶復四聰回悟榜罪人於
朝堂襟紳齊顙泉下之幽冤殆伸繼絕之命斷自宸衷又有貴
德之忠而趙氏真孤得脫於屠虎之手是則可謂無天道耶洌水
丁公生二百年之後哀輯朝家文字及野乘所載作東甬小史
蓋自東南諸公居家立朝行義之可紀者以及黨議之分朋獄事
之鉤連聖朝昭雪之典士林尊衛之論莫不紀載而瞭然如見
當日事使夫千載之下無所逃其善惡是則天之有應於久遠之
後而人之所憾於天者始渙然矣孔子作春秋亂臣賊子懼此聖
人之大權也竊謂此史之作而東方之爲人臣而黨惡而戕
善者亦足以知誠也李君炳夏奉丁公史方潔梨以壽之而

踵六百里請余梳洗且謁弁文余嘗為東巖李公狀其行而悲之
今亦不可辭也奉讀而丁乙之敬書于篇首

太上陟方後四年辛酉孟冬仁州張錫英謹序

縣六百里餘余始知其地之廣也

東南小史序

不佞少嘗侍家大人側獲聞東南兩先生家禍孔酷而其詳得之於洌水所輯小史中矣古有光山李氏號東巖南溪以同氣生於明宣朝右文之世文學清望為一代所推重而當東西論橫潰之時出入經幄每以王道陳達振綱紀分邪正為已任欲回趙靜庵舊政少無苟合之意則不悅者多恰受一邊人睚眦必慙之勢也適會己丑之獄出於縉紳之間而彼平日不逞之徒乃翔舞焉謂此時可乘四張機牙百方羅織一時賢士大夫稍有聞望者混被橫罹之禍則如二公先被網打之患亦必然之勢也一門老少蓬粉靡遺士林遭禍古今天下寧有若是之慘且酷邪天道

無知於斯可驗而百世之下猶令人氣塞莫省所究也後雖有雪
冤復爵貤 贈旌表之時真孤隱逃無聞故絀絕之 命出於

仁廟榻教而螟嗣雲仍其支也如弱線之延其居也若晨星之望
湖鄉古家尚傳東南之號者是可曰天道有知耶浩劫滄桑祀宋
之文獻無徵後之君子亦或有尚義氣而致景慕者收拾遺粉餘
馥爛紙缺文以成若干篇者無論公私文蹟間多傳訛未可以盡
信矣故洌水丁公題羅旻所撰秀巖誌之下云原編諸條其曰出於
野乘云者黨論以後不可憑也者儘非虛語也先李門族自經禍
變後殆三百年零替不振邇來始以東南事蹟之在人者鉅諸梓
以徵諸後商量多矣歲辛巳春東巖后孫承弼持其族人遠基之託

而來訪僻湫蓋洌水所輯小史一卷謄在几上者畧有謏見之僭
加添錄未免錯雜而亦嘗寓目於各人文藁者有意未錄不為不多
矣今茲事役三百年未遑之舉也敢以平昔氣類之感間嘗竊得
己意多方考據用史家書例書頭每用上國年號 本朝世次月
日以表章之始言黨論之相角中言徵事之滋蔓末言翻案伸理
之事而雜出於各家傳記者既創之出於朝報者略略抄錄以成
書四編亦或有遺文漏蹟之可以添入者至如立祠升享時文蹟
可攷者以成五編蓋倣洌水所輯而畧加更互推演則其於考校
之名茲不敢辭焉

辛巳二月上浣後學順興安世泳謹序

東南小史卷之一

洌水丁若鏞輯

大明嘉靖二十三年甲辰

我中宗三十九年

李東巖公生于外鄉海南白

蓮洞尹氏第

公母夫人尹氏

諱潑字景涵東巖其號也

李氏光

山人世居光州泥場萬山長子洞公徙居南平元積洞今其遺墟

在砥石江上提學仲虎之子

見李氏家狀

嘉靖二十九年庚戌

我明宗五年

南溪公生諱洁字景淵潑之弟也公

之兄弟生而至孝父母素多疾病兄弟衣不解帶常侍側藥餌飲

饌未嘗委諸婢僕

見金時讓荷潭錄

公元第四人長曰汲季曰渡同居一

室友愛篤至人無間言

隆慶元年丁卯

我二十二年

明宗

南溪公年十八中式年進士

隆慶二年戊辰

我元年

宣

東巖公年二十五中增廣進士

萬曆元年癸酉

我元年

宣

東巖公年三十魁謁

聖文科

萬曆二年甲戌

我七年

宣

秋七月以李潯為吏曹佐郎潯少志於學

立心不苟頗有清名李栗谷理力薦當路出身未幾郎居清安人

望甚重

見石潭日記

潯為人重厚嚴正自少有志於學術遊楊庵金謹叅習靜以純門

與崔永慶最親洪可臣許錦朴且丑起莘金榮一金宇顥輩而同

志之友皆以遠大期之及捷謁聖壯元華聞藉藉且拜銓郎扶

植士論欲回趙靜庵舊政出入

經進每以玉道陳達振綱紀分

邪正為已務少無苟合之意

見韓一錄

時沈義謙金孝元角立之說日益盛朝論紛紜大司諫鄭芝行問于李珣曰議論橫潰將何處置珣曰此由銓曹不得入故也但當靜而鎮之終不可駁擊惟朴謹元所為不厭衆心此可

啓遠而

銓郎有闕矣若得公平之人補之政事得體而仁伯自求外則庶可無事芝行深然之欲只駁朴謹元以僚議欲悉駁銓官其論甚盛芝行不能抑蓋吏曹郎李誠中許筠皆孝元深友故欲擊之以殺其勢於是悉遞叅判以下年少士類多疑恨

見石潭日記

萬曆三年乙亥

歲

宣

東西黨起先是朝廷懲於乙巳之禍擠排

外戚已甚至是沈義謙目之為西金孝元目之為東右義謙者鄭

澈尹斗壽張雲翼李海壽皆戚事也右孝元者李山海許曄李澄
金應南白惟讓皆名流也餘外諸人不可盡記以東清西濁金優
沈劣互相傾軋見安鍊石
論黨源流

李珣為調停之計言于相臣盧守慎建白兩人補外之說以義讓
為開城留守孝元為三陟府使而黨論互相愈激東人以珣倡為
半是半非之論指之謂沈黨時鄭汝立登庚午科棄官歸鄉以讀
書為名時住坡山與李珣成渾相從論學珣渾稱許於士友間以
此汝立名重朝野一道多士聞風出入其門至以竹島先生稱之

見李廷龜月沙集
安邦俊己丑記事

萬曆四年丙子我祖九年宣春二月李澄遶銓郎李珣棄官歸鄉

朝論便激欲深治金孝元珥極力止之且引李潑為銓郎時輩欲以尹曉薦銓郎珥心知曉不合於銓曹而為調劑故不敢止且以為李潑在銓必能制曉之行私及曉為吏曹潑適以都丞旨知吏曹與朴謹元同婚有相避之規故事只以都丞旨改知他曹而吏曹不遽改院請改謹元知他曹上曰李潑非不可遞之人也遂

遞潑曉始得用事

見石潭日記

李珥謂金字顯曰李涵清名為世所重故儕輩恃李涵而輕肆矣字顯曰將何以救之珥曰而見柳成龍字肅夫字顯景涵叙于要地則

可救矣字顯曰公亦去矣吾等惟多何益同上

珥見朴淳曰計將安出珥曰柳成龍金誠一歸鄉不來想必有

間言呀動此人須白 上特召而金字顯近被主上踈待亦白

上引入 經幄與李發輩持時論而李涵亦不來亦請 特召如

此哀合人才而用人之際權衡平正使人不得橫議務在調和鎮

定如此一二年則朝廷靖矣

萬曆五年丁丑

北十一年

南溪公年二十八是歲擢廷試第二名入

望與其兄相上下後歷官議政府舍人弘文館應教大司成

東叢公兄弟性狷介嫉惡太甚不少假貸時鄭澈猖狂酒色凌蔑

禮法趨利赴權者靡然從之公常以激為索性小人澈長於南溪

十四歲而南溪不甚尊敬嘗嚙面拔其鬚澈即吟曰數個踈髯君

拔去老夫風采更蕭條三笑出去世傳以為公之禍實萌於此云

見已丑錄
及桐巢錄

八月掌令李潑劾罷尹斗壽根壽尹晁職弘文館修撰姜緒於
經席 啓曰士類分作東西二邊皆可用之人也不可捨一取一
云云於是 上已知東西之說矣李潑偏主於東鄭澈偏主於西
二人所見不同皆有人望且憂國奉公為一時之最故李珥每謂
澈潑二人曰君等二人議論和協同心調劑則士林庶可無事言
之甚切澈稍回所見與潑之交相與作持平之論而東人喜事者
終攻擊西人之不善者以防後患皆以斗壽三父子為邪魁決意
去之惟柳成龍與潑不從矣金誠一聞珍島郡守李銖運米賂斗
壽兄弟及晁家甚怒於 經席 啓論貪汚曰田應禎雖受罪而

厥後亦有載米行賂者貪風未戢矣上遽問曰是何人誠一倖

然對曰瑤島郡守李銖也弘文館訪遞金繼輝李山海拜大司諫

於是兩司憤激大司憲朴大立持論尤勁掌令李潑袖出彈文毛

舉三尹一憲隱隱不復推究虛實一一上達醜詆無所不至自

上既以東人攻西為不公又以緬輝黨西為不是於是士類出繼

輝為全羅道觀察使皆指為不吉之人朝廷騷擾而傍觀者皆目

為東西之戰不以為公論惟東人自恃為清流而慷慨日甚鄭澈

與李潑議論大乖東人顯斥澈為小人東西更無相合之望矣

潭日
記

謹按朝廷之上見識為大無識見則雖賢亦敗事今者士類之戰

皆出於不鮮事一不鮮事而金誠一發其端二不鮮事而金繼輝
激成士類之怒三不鮮事而李潑列數三尹一家之惡不究虛實
而醜詆之四不鮮事而鄭澈與李潑年激永絕東西相協之望自
是之後赴東者日起爭出新論而流俗舊臣曾棄於西人者乃居
要地招權釋憾峻其議論自明貢忠於東而西人則雖善士皆不
見容清名之士反與流俗為一而清濁混雜無以分別矣嗚呼金
誠一固不足多責以繼輝之疏通李潑之重望鄭澈之剛直猶不
免同歸於誤事豈非命耶

時兩司將請治李珥之罪不果去年冬李珥在坡州白仁傑在京
欲上疏極論時事兼進保合東西之策而恐其辭不達意通于珥

使修潤之珥乃依其言畧為一文宇以送之至是年夏仁傑始上
疏珥負時望東人意珥必扶東人之勢而反上疏譏誚東人東人
甚怒至李潑柳成龍輩亦不能平也

弘文館將處置金字題時為校理大言曰宋應炯必是小人也欲
乘此機會陷害君子也當劾遞憲府反應炯而獨大諫以下可也
同僚不從爭辨自午至昏字題極言竭論曰處置失宜則吾等亦
將得小人之名豈可為一宋應炯而皆陷於小人之域乎同僚多
右應炯議久不決副提學李山海應校李潑依違兩間乃為兩全
之計也

鄭澈謂人曰時論至於攻叔獻則尚何言哉自今東人安得為士

類乎於是東人愧屈不能肆意攻西而金字顯李潑因發調劑之
論稍抑東人浮薄之論庶有和平之望識者以為李珥之疏雖見
沮抑而不為無助云同上

萬曆十一年癸未

我十六年

宣祖

李栗谷珥為吏判甫謝上引見慰

諭珥曰當今人物眇然文士中可用之人尤為難得鄭汝立博學
有才此實可用但有凌厲之病耳今者每為注擬而不落點無乃
有譏間之言乎於是汝立為修撰汝立嘗稱道栗谷曰未熟底孔

子

見宣祖時政錄
金時讓破寂錄

栗谷與東巖公書曰沈金區々之辨有何大關乎豈而勿問只觀
優劣用舍可也安有以一二人之優劣而舉士林血爭乎今當主

論曰沈也雖無形現之過既是外戚又與士類相失此當只保爵

祿而不可更處要地三尹

斗壽根壽父子

大忤士類不可更叅清選其餘

西人隨才授職少無猜妨東人之議論過激者裁而抑之乘時傳

會者乍而外之云云當是時東西攻擊轉加一層

見野乘

西人之言曰李潑於栗谷始合而終貳為反復此則不然栗谷始

為調停之論及其再入則偏於西論東巖不得不自貳矣反復之

本在於栗谷反咎東巖可乎

同上

東巖公兄弟從宦在京遭先考副提學公喪常以不及終天為至

恨

第濃過中祥而卒

奉養母夫人誠意愈至兄弟迭侍左右不忍暫移時

上眷方隆雖龜勉入朝亦未嘗同時並出家傳故老言公歸觀

一日謁家廟仍侍母夫人側夫人惡近堂梅柳鳥聲亂耳故因便
伐其樹其承順之道多如此云

見李氏家狀

公為省母夫人自京歸途中有詩曰南路迢迢鳥外分長安西指
日邊雲朝來記得中宵夢半是思親半憶君其愛君愛親之情發於
吟咏者如此云

同上

公先世連擢科第並攝清班公嘗聯置紅紙為十帖屏幃每於祀
事設中堂以示子孫以勗忠孝其含德國恩思欲報歿者素所蓄

積也

同上

萬曆十二年甲申

庚戌年正月

正月十六日李珥卒汝立始起附於

東人於是西人譽發端愈起惡公愈甚又曰及栗谷卒汝立附于

李潑兄弟反攻栗谷

元祐

萬曆十五年丁亥

二十一年

倭變起于全州府尹南彥經請汝立

計事汝立一號令之間軍民聚會無敢後者汝立分部諸軍各定

領將皆是大同契親効武士倭賊自退

汝立氣魄威壯論議風生開口則不問是非滿座嘆服

同上

萬曆十七年己丑

二十二年

是歲士福作

成滄浪文者牛漢子也

為士福口張豁谷撰白汝立狀亦言己丑事曰會士福起相國

九月李潑棄官歸鄉

十月初二日黃海監司韓準密啓入來是夜命三公大卿丞

旨禁府堂上八對復命八直摠管及上下番玉堂皆入侍獨檢

閱李震吉勿八以秘狀下示乃安岳郡守李軸載寧郡守朴忠侃
信川郡守韓應寅等上變事也全州屠修撰鄭汝立謀叛為魁首
其同黨趙球

安岳人

密告云於是分遣禁府都事于海西湖南 命下

震吉于禁府震吉汝立甥也

見時政錄

初八日黃海道罪人等拿來

命於殿庭鞠之領相柳瑬左相李

山海右相鄭彥信判府事金貴榮等同鞠

同上

初九日兩司

啓李震吉請削去史官依

啓

同上

十一日判敦寧鄭澈自畿甸楊根八來

肅拜後上密劄乃指捕

逆賊京城嚴戒事也

答曰益見卿忠節當議處

同上

十四日

命遣督捕御史丁允祐李大海鄭叔男等於三南

同上

十五日安岳水軍黃彥綸方義臣等拿來被刑

見李自
汝日記

宣傳官李用濟內官金良輔馳至全州時汝立與其子玉男及邊
池朴延齡之子春龍匿于鎮安竹島縣監閔仁伯領官軍跟捕因
往見汝立等環立巖間仁伯欲生擒諭以王命戒官軍勿迫汝
立先以刃斫邊池郎死又斫玉男及春龍不死仆地因以釘縛植
地自就刃割頸聲如牛吼郎死遂獲其尸尸反玉男春龍以去云

云

海東
野言

十九日親鞫玉男春龍俱服玉男時年十七問汝家往來人供
曰羅州人吉三峯古阜韓憬恭仁宋侃南原趙惟直辛汝成海西

金世謙朴逆齡李箕李光秀朴柅朴文長邊崇福等十餘人常來訪池涵斗及僧義村不知其所來涵斗常在家間行僧日夜同處逆齡欲探京中消息後仍往海西云々皆就捕不服而死上

王男生而神采俊秀重瞳而兩肩有痣如日月狀汝立崩逆蓋恃此子云供曰吉三峯多力如盤之石以手攻破問卽李恒福不能卽書王男曰何不以如盤大石拳扣卽破書之涵斗供曰矣身拳扣盤石四破如電故為徒中之將云崇福在全州則曰邊池在東

萊則曰白日昇天

亂中雜錄

二十七日磔汝立池等尸于市 命百官序立震吉不服杖斃蓋

與汝立書中有主昏曰甚等語

命斬以逆律

朝野記聞

權停禮受朝賀告 廟頒赦百官加資級

教書曰春秋若無將之義王法至嚴漢家重不道之誅罪人斯得
茲當黥鯁之戮合滯雷雨之施予以寡昧之姿叨守艱大之業嘗
臨廿載之淵谷庶罔萬姓於陶甄豈意逆賊之魁乃出縉紳之列
賊臣鄭汝立惡甚梟獍毒逾蛇虺囊索詩書有同荼賦之欺世詩
張符讖敢畜山童之陰謀罔念郊育之恩欲逞哺聚之計乃與邊
沁朴文長朴迪齡金世謫李光秀李箕利應達方氣臣黃彥綸等
相隨昏夜已涉歲年結沙門而騁妖假王函而惑衆布凶隸於都
下謂武庫之可焚遣武士於山中晚擅基而欲據矯旨而剪方伯
我聞師分符而擣圻郊取江倉奸計益深禍幾垂發擬設本兵之

長志欲何為將揮犯關之干戈事且叵測在從臣而居群盜之首
混冠裳而懷狹狗之心亂賊何代無未有甚於此者凡民罔不
慙皆可得以誅之縱失悖曄之伏辜已快逆敦之惡斬肆將汝立
等凌遲處斬云云於戲天網不漏既正罔赦之刑輿情共欣式舉
維新之典

大提學李陽元製進

鄭澈素與士類相失至是指喉京外無賴輩構誣清流鍛鍊成獄

無所不至

見朝野記聞

時宋翼所以安相家推奴事逃往海西變姓名自稱趙生負日夜
慙東人痛入骨髓翰弼誑誘海西愚氓曰金升聖人生焉乃鄭修
撰也與吉三峯相知往來而三峯勇知無雙亦神人也爾等若往

候則官爵自至校生遶崇福朴述齡等若干人信之往謁汝立款
遇送之於是朴忠侃馳往安岳謂李軸曰汝立謀叛已著速圖之
軸拙者甚難之又往信川則韓應演神者知其幾飲酒佯醉忠侃
不得開口如是者再忠侃遂劫李軸恐應演報監司狀 啓則朝

野震動 上聚大臣曰予知汝立之為人何至於為逆左相鄭彥

信微哂曰豈有此事雖然不可不拿鞫西人皆曰汝立心術則不

正豈有叛逆之理乎時謀逆愚氓數人海伯韓準密着枷上送自

上親鞫則皆丐乞窮民 上笑曰汝立雖叛豈與此輩同謀乎

仍問曰爾輩為叛逆乎曰叛逆則不知欲為叛國也又問叛國何

意曰衣食有餘云事狀不實即欲放送而姑待汝立之來汝立以

命逃躲至鎮安竹島別墅自刎而死崇福從其尸傍亦刎死

桐巢錄

於是大禍起西人崔躍東人喪氣蓋上厭苦西人擬注李山海

為吏判十年西人散在閒地氣色蕭索及起逆變之後彈冠相賀

東人自退西人居其位報復私怨無所忌憚

見掛錄

逆賊文書中有祭文七張列數君上語極凶慘鞠廳不忍上達

只以不忍見聞為啓上震怒凡平日崇獎汝立者皆坐之

見魯

西集

二十八日頤相柳璵卒傳曰大臣卒逝不勝驚悼因逆賊推鞠

勤勞國事予失股肱不勝痛心初汝立叛背李珥阿附時論反覆之狀西人常懷痛憤今為逆賊西人崔躍相賀且自甲申以後西

人為東人所攻不容於朝者凡五六年積憤之餘無識鬼蜮之輩相與批掌大喜以為逆賊出於東人自後東人無復有振起之路以汝立為陷阱公然倡言曰某乃某族某是某友於是不惟與賊親厚者自以為必死雖不知逆賊面目者名為東人則勿論朝士儒生舉皆有疑懼之心氣像之愁慘不忍見聞梁千會適上京首

先上疏

見混定錄

十一月初二日生員梁千會疏曰臣家湖南詳知賊情當初自附於讀書之流李潑兄弟往來南中與之相結時李珥成渾負重名而潑沽方共尊崇故引而薦之出入其門珥沒之後汝立者為倒戈與潑等為擠陷忠賢之計故原其賊之所以至此亦由當路之

臣交通締結聲勢相倚故汝立身雖在外道執朝權勢焰熾灼惟
意所欲無復忌憚於是陰權用事之臣乃主推刷之議使國內波蕩
然後陰囑銓官之親切者使圖海西佐幕之任以爲起事之計將
願不成則又囑奉使之臣一時罷府尹判官欲爲乘虛作亂之計
朝臣墮其術中承望風旨初聞此變專事營救或以為李珣弟子
誣告生事或以為汝立爲人忠貫白日至以韓準爲非惟其朝議
如此故權堪等乃敢稽緩捕捉疎漏太學生擬疏營救推鞠之官
盤問不實外言藉藉億宇招辭京中相切往來者非獨我也云則
鄭彦信令連痛杖畧不省問恐露端緒一向掩覆今逆賊之結爲
死友相爲心腹如李澄李浩白惟讓同宗親密如鄭彦信鄭彦智

者猶伴食中書出入 經幄揚揚如平日門生親舊方且囚禁而

獨於朝臣晏然無一所問是王法獨行於疎賤而不行於貴近也

趙憲妻上封章切摩貴近原其本心實出於忠愛而得罪提荒若

使逆賊之徒甘心快意其斷喪國脉摧折士氣亦已甚矣宜王召

還以賞忠言 答曰梁子會疏章嗚呼晚矣大加嘉獎上同

實曰詳知賊情宣君于之所為乎其自為身謀亦妄矣抑亦天禍士林生此沐鬼輩以啓日後亂覆之害耶見日月錄

於是鄭彥信上疏自明辭委官曰臣與逆賊趣舍異路年輩不敵

京鄉相懸其無過從之雅國人所共知 答曰儒生之言何足數

焉宜勿辭碑見龍洲集鄭

吏判李陽元上疏辭職擬次立黃海都疏畧曰與汝立平生不見面

目庶官注意之際只循舊例云云 答曰卿則不然千會之疏乃

億度之說予已知矣安心勿辭

初四日禮曹正郎白惟咸疏畧曰臣積戾辜恩退伏田閭國有逆
變不敢寧居收召魂魄再入脩門云云乃陳推鞠之官盤問踈漏
臺諫循默之狀乃金字題李滄李浩輩與逆賊交密偏黨私護佐
郎金憑家在全州與逆賊素相親密營救於公朝人心駭憤主勢
孤立邪議橫流賊魁雖誅餘憂未艾云々 答曰汝真白卿之子果
有後矣汝之先卿老而不忘君左右於予汝則以年少之人何為
退在鄉曲此則汝不及先卿矣當此國危之時自今以後更勿去
予將用汝此輩情狀予亦盡得矣

見已
由錄

傳曰自變作之日右相所為多有未安者然大臣之位予何暴舉而形於辭也自初推鞠疎漏予已疑訝千會之疏亦已晚矣今反上疏以辨辭語亦多未穩至曰不通書札其謂予無目耶封書於政院曰未知此人書至曰悠悠時事欲陳支難又有可笑等語如是而尚可謂之不親厚不通書札修歸許多辭說耶身為大臣乃敢面瞞乎予不勝痛憤予非不知早發此等書而愈慮多矣豈計不及而不為乎二十年待大臣之節因此盡喪尤為痛甚政院見之謄書還入

初七日兩司 啓曰鄭度信金字顯白惟讓或以族屬或以交友或以聯姻與賊俱有相厚之分不可仍在朝列請罷職右議政鄭

疾信曾與逆賊有同宗相厚之分通書問信非一再而身居台鼎天
日之下敢以不相通信歸詐欺罔君父蔽護已罪之狀昭不可掩
請命斥退院 啓則氣奉李潏李洁并依 啓

初八日鄭澈拜右議政為委官代鄭成渾為吏曹叅判代鄭崔混

為大司憲白惟咸為獻納

十一日惟咸劾遞兩司特竄金宇顥於會亭

傳曰宇顥汝立結為心腹朝廷之事無不相議予之無心答說亦

皆同聽臆度君心潛通汝立觀其情狀有同鼠子此人予知其反

覆小人而不料其情狀之至此大鎮忠配時宇顥兄宇宏前大臨

路送別握手痛哭宇顥顏色怡然曰兄過痛余心不寧就道到鐵

嶺值趙憲自北出來憲曰肅夫到此悔否字顯笑答曰公論後世

而史豈可以一時之刑罰劫之耶

一見錄

十二日鄭緝之立招以為鄭彥信鄭彥智洪宗祿鄭昌行李游李

浩白惟讓同心親舊命親鞠鄭教啓曰朝紳交親逆賊不過

好而不知其惡而已天下寧有兩汝立乎

見時政錄陰以喉殺外施寬大其言亦怪詭

其信之好諒之態可見

命彥信中道付庚走智江界宗祿龜城發鍾城浩熙川惟讓富寧

遠竄昌行放送

時賊魁既死又不得所謂吉三峯者諸賊所援雖多既失其本故

其時論罪者多出文書之中

見日月錄

彥信寔對初以門黥中以付處終以竄配李貴當時之一布衣抗言鄭政丞坐與賊相知者甚寃不憚以身為質徒步往坡州力請

成渾上疏救解事雖不果可謂不黨之君子

見龍洲集碑

時臺諫論彥信以欺因成渾抵書於當路曰大臣以一言失實遽

被重辟有損王政宋朝未嘗殺一大臣仁厚可法其論遂寢

牛溪謚狀

潑配鍾城路遇安敏學語曰人生世間未能為孝子忠臣反受逆

名他日地下何面目見師友乎

見龍洲集

緝臨刑大呼曰嗚我以多引人則汝可活今日何殺我

見龍洲集

十二月初三日府

啓行護軍洪汝諱陰險且巧縱恣無忌娼嫉

陷害是其常性到處淫刑戕殺人命其居官貪虐之狀難可勝言

鄭彥信付處 傳旨擅自增減其情叵測請罷職不叙行護軍丁
胤福前校理宋言慎與逆賊交厚前佐郎金弘微極力推薦李震
吉前縣監韓浚謙前佐郎朴承宗前著作鄭經世引進震吉於史
局而獄事未畢遽蒙叙命請還叙 答曰依 啓洪汝諄事不
允

獻綱白惟咸劾洪汝諄不 允洪汝諄女第八內為

御嬪也

見日
月錄

初四日院 啓水原府使洪可臣與逆賊交情最密與李澄兄弟
互相推獎請罷職承文權知正字素無名稱而叅史官薦請削去
依 啓

兩司合 啓及第鄭彥信變作之初 榻前面對之際已有營護

逆賊之意反參鞠之時亦有終始眩亂之迹至以推治元告為言
欲使獄事稽緩請遠竄反第任國老參鞠之時附會度信多有營
護逆賊之意獄事踈漏亦由於此人請門黠依 啓度信配海南
初七日趙憲擬典翰望 傳曰不可輕易除職

初八日柳成龍以名出於白惟讓之招一作名上疏自列答曰賊

招何干於卿卿金玉佳士卿之心志可貫白日予之知之者久矣

傳曰故執義李敬中為吏郎時當逆賊有名稱知其無狀極力排

之不通清顯之路竟被論劾其先見之明不下古人其追贈判書

賜美謚時 上問迺臣曰汝立凶變無一人知之乎柳成龍曰李

敬中嘗塞其銓郎之薦其時臺諫反駁李敬中 上遽命特贈爵

謚其時臺諫鄭仁弘朴光玉削職

弘日月錄曰是後仁弘遂與柳成龍有隙

初十日

傳于左相李山海曰逆賊出於縉紳之間此大變中之

大不幸也言官論劾交結人則誠是矣但近現氣象似有波及之

漸甚非予所喜其或泛然相從此人之常事也若乘此機或平日

言論異同者皆指以斥之則其害有不可勝言者卿可力止之不

聽則面對直 啓周旋鎮定持平黃赫避辭曰自 上下相臣之

教其欲鎮定之意至矣今者逆賊出於一時所謂名流其平昔締

結推獎助其聲勢釀成此變者揆以王法自有其罪言官舉所聞

次第論列其波及之患臣等亦嘗有慮况四五年來朝著不靖收

司之錄一節淡於一節至於師友姻婭之親并被中傷皆扼腕而

不敢言久矣當此更化之時孰敢以言論異同乘時傾軋以為自
陷小人之覆轍也哉其間如有貪虐大段無狀之人則不得不隨
罪按劾臣欲陳達大司憲崔滉答語不遜待諸臣如郎吏云云大
司憲崔滉掌令尹暹沈喜壽持平申礪皆避嫌蓋赫欲駁洪汝淳
而滉不從上命遞赫荅滉避辭曰赫之言不過教行而其心已
露予安得不遞見時政錄

十二日樂安校生宣弘福招引李潑李浩白惟讓又曰李震吉得
識書於柳德粹善山府使處云云潑浩惟讓自配所再拿推鞠李及德

粹亦杖訊

見已錄

初潑與李廷鸞囚在一間潑謂廷鸞曰知人難鄭澈人所畏敬而

吾獨不知至今恨之君嘗無慢惡無死理吾則死有餘禍矣廷鸞
宥潑配鍾城至是又出於宣弘福之招拿還潑在獄謂同繫者曰
吾死不畏但老母在奈何嘆曰愛親者不敢慢於人敬親者不敢
惡於人后悔莫及南望痛哭地黑天蒼見掛一錄

潑初發配自上有脅從罔治之教謏言罔極禍炎滔天潑汲兄
弟同死於杖洁追後拿來亦死見掛一錄

惟讓與汝立多有犯上下道之語自上抹去其甚者下于鞫廳
有曰此人猜忌狠愎又曰此人少無人君之量云上命斷以逆
律鄭澈曰經幄出一汝立已是大變惟讓雖無狀豈復為汝立
乎上大怒以大臣專權為政同上

弘福臨刑呼曰吾罪固當死信聽永善之言陷無辜之人愧恨奈何蓋鄭澈使醫員趙永善陰喉弘福也一見詳錄

於是獄事大張李彥吉尹起莘柳宗智并杖斃洪可臣李渭濱許錦朴宜康復誠金昌一等數十人削黜禁錮金榮一刑二次削職館學孺生稍有名者皆禁錮同

十四日金羅道儒生丁巖壽等應旨上疏極言李山海鄭彥信等前後誤國護逆之狀又言韓孝純李廷直鄭介清柳宗智柳永立柳成龍李陽元尹教中尹卓然金應南宋言慎南彥經李彥吉曹大中李弘老李純仁柳夢井金弘微等之罪又曰前縣監羅士忱與其子德明德峻德潤仲救汝立以告者為証告場中借述與

賊私語之迹而又德明等使其從弟德顯德憲等作亂多士之事

又曰鄭仁弘與汝立情意甚篤合為一體又曰癸未三司之文數

賢也有一臺臣念上有不豫色欲停論洪汝諄曰當此之時社

稷為重汝諄無君不道中外切齒云云又曰時有賊家文書搜探

時益山郡守金頴男及奉使武人等希時宰之意查其手蹟而火

之又始為緩捕使賊避匿云云語甚張皇上震怒召山海成龍

等慰諭之命拿致嚴壽及朴天挺朴大鵬任尹聖金永修梁山

龍李慶男金應會柳思敬柳瑛等十人下王獄上曰汝等如是

詳知何不早未上變嚴壽等既介諸人蓋與鄭嚴異議者皆指為逆黨製而東翼弼

傳曰乘此逆變敢肆搆陷之計捏造無形之語陰陳邪說之說

相名卿無不指斥必欲空國而後已原其設心將欲何為其凶慘

之狀極為駭愕此必聽奸人指嘆的然無疑拿鞠之罪

時澈喉臺諫及

疏臺諫累

啓伸救不從諸儒生崔起南等疏畧曰此人等實

出於討逆之義而為狂妄不中之論也微有形跡而過為揣度者

有之涉於難信而指為必然者有之而情理所不近洛下之所未

聞者亦且十居一二滿紙辭意亦豈盡是不實者如是故并與其

實者同歸不實之地今此湖儒之疏實 殿下使之言也既使之

言又從而罪之則不幾誘之陷於刑戮乎竊聞李穰之於 成廟

請烹大臣徐淹之於 明考願斬佞臣而未聞有加罪之舉今茲

崇壽之言其正直切實雖曰不反於二臣而以 殿下包容之量

獨不可取法於先王乎 上優荅從之上

十五日滌在囚中以血書裾正心二字見上

湖南儒生梁山璠金光運等上疏皆指斥時宰

傳曰人心乖悖至於如此此輩陳疏盡作朝臣而獨資右相激也以

下教人自以為直言而反露其情狀可哂也趙憲奸鬼尚不畏貳

輕蔑朝廷必將再踰磨天嶺耶如此之人不稟上旨汲口收叙吏

曹判書洪聖民遞差見日錄

上謂趙憲前後疏出於宋翼弼兄弟指喉命刑曹捉囚窮推其叛

主逃縣之罪見時政錄

十六日左相李山海待罪 荅曰此乃奸人呬囑陰試予欲掃朝

廷之計不難知也予欲得其人耳但其言不足數既已面喻而如是啓之是因我也山海復陳劄答曰昨聞卿先出心切驚痛其後見疏章則有羅州奸賊數人陰斥朝廷而其意實在於卿予不勝痛憤卿忠慎寬厚量如萬斛之船有古大臣風柳成龍學問純正盡心國事望之令人起敬又才智超凡實非俗儒及其萬一予明知兩人視予為嬰兒弄於股掌之間予不勝痛憤必欲其得指喉之奸人而甘心焉寧有過中之舉他不可顧也

見混錄

時三司請治薛連人太學生李春榮等力主陳疏之議吳允謙以為鞠獄非儒生所知必欲陳疏則當以明教化使亂臣賊子知懼等語為主意疏中畧不舉薛連人名字識者以為得體

十八日東巖公殯於栲栳眼精安然不變如日月順終命

二十九日南溪公殯於栲栳公无弟持身嚴苦平居未嘗見怠慢

色方幽繫受訊體無完膚氣息垂絕而每當改鞠時必端拱以跪

神情自若言語詳盡李白沙^恒福以問即見之亟歎曰鞠庭供辭不

失舉措惟景涵一人而已公既栲死士大夫皆喘息屏氣莫敢

顧恤獨許府尹錦經紀其喪具棺衾以葬法晚全可臣解衣覆之而

哭之殯殮之鄧躬親周旋人或戒以波及洪公曰禍福命也吾不

忍以禍故相負也

見時政錄

初守夢鄭樵疏有宋翼兩文章學識超絕一世與李珣成渾^初講
唐之交李珣既歿之後李潞白惟讓等仇疾珣渾延及翼兩^初歿

寔之死地而後已可謂怒甲移乙之甚者也翼弼之父祀連乃故
相安塘繁妹子也祀連之母既已從良祀連又至雜科出身則連
二世良役且過六十年大限者不得還賤昭載法典而潑等以祀
連上變為安家子孫不共戴天之讐故乘機指喉蔑法還賤其時
訟官或有執法之意則潑等駭遽之至再至三而後始得行其志
夫法者 祖宗金石之典也祀連雖得罪善類翼弼雖犯時怒豈可
以一時之私憤而屈 祖宗金石之典以快其心也哉按此疏首
意宋之血怨深於東巖己丑之獄出於宋尤無疑

見桐
巢錄

宋翼弼者安相塘家奴也安家族滅安處謹有賤妾方娘逃難竊
懷甘丁所付文券以出生子玃

一云
玃蘭

既長授其券又遺書囑以復

讐雪寃至

明廟丙寅乃上書訴寃安相始復官宥孥坐及宣

廟朝乙亥

上採公誦之言

贈謚貞愍致祭

安玠挾券訟于掌隸院時祀連已死寅弼翼弼富弼翰弼與栗谷
牛溪皆爲執友其氣執權力能駭駕一世以故訟官相繼辭不坐
者殆月餘丁鹽司允禧聞而憤之故揚言於衆中曰周官八議其
一議賢賢如龜峯者豈可爲人奴乎時論大喜乃以公爲判決事
公出仕翌日即決給安玠并囚翼弼將欲刑之西黨恨其見賣卽
遞公故縱翼弼兄弟使之遠遁翼弼亡匿海西日夜思議必欲甘
心於東人詞知鄭汝立方棄官歸鄉召聚學徒門多雜類又結鄉
里無賴子弟作大同契鄉射飲一世輻湊非允異常於是翼弼以

為奇貨乃變姓名潛蹤賣術於海黃延白之間誑誘其鄉品土豪之富厚踴躍張者流曰吾卜爾之山相爾之面筭爾之命數三年間當作將相道內某某地有某某者與爾輩同時佐命之人也盍與相從交結又示讖文曰木子亡莫邑興此其時也吾望見湖南王氣方旺爾輩宜急往物色鄭姓人以讖文告與之同舉大事富貴可立圖也避喬無識之徒信聽其言奔走於湖南聞鄭汝立之名籍籍一道輻湊其門爭相結納往來不絕因渠輩酒間相計稍稍發露汝立居湖南而告變自海西起者以此也汝立獄成翼弼又陰囑松牛密密羅織東人名士網打殆盡者蓋以是也吾人種子世濟其惡以其術詭謀秘舉世欺有知矣

安氏手錄

東南小史卷之一

東南小史卷之二

洌水丁若鏞輯

萬曆十八年庚寅

我宣祖二十三年

二月以朴忠侃爲刑曹叅判李軸爲

工曹叅判韓應寅爲戶曹叅判密告人李緩姜應祺加階趙球拜

正郎閔仁伯爲禮叅議因

命錄勲忠侃

啓請并錄推鞠諸臣

從之於是錄平難功臣朴忠侃等二十二人兩司論其太過

見時政錄

持平尹洞 啓曰先朝錄勲亦有改於十年之後者曷若正之於

厥初之爲愈哉

見時政錄錄曰八月

錄勲功臣

鄭澈遞委官沈守慶拜相爲委

官十八日

命罷領中樞盧守慎職

傳曰盧守慎於甲申冬在

政府承命薦賢而乃以金字顯李潑白惟讓鄭汝立薦進此無非

奸賊之輩披見其薦記不覺髮豎古今安有如此大臣乎夫守令犯憲乃坐舉主此何等事而爲臺諫者褒如充耳公論無也此卿予所優待而興亡所繫不得掩覆朝廷從公論處寔

左議政鄭澈右議政沈守慶回 啓伏覩 聖教盧守慎事不勝

驚悚守慎蒙不世之遇被無前之寵所當盡心王室爲國薦賢而其所薦賢者率多逆賊流輩方邪議橫行釀成逆豎聲勢之時未嘗有一言禁戒制伏而一聽時輩作弄反自薦舉其罪固難逃矣及其變作之後猶不知待罪而惟以歇后數語泛然陳 啓而退其衰耗甚矣然不過知人不明爲一國氣勢所壓而然也况守慎以四 朝舊臣老病已甚方以腫脹命虬如縷自 上待舊臣宜

存終始之義宜

示以寬容

答曰知道

同上

大司憲洪聖民大諫李山甫合

啓盧守慎承薦賢之

命乃以

逆賊脅命當時逆節雖未盡露其兇譎陰邪之狀人或有灼知者而至以爲薦助成逆豎凌駕之心未嘗有一言折其萌蘖而反爲之推引及乎變作之後不以誤薦引咎只以從容處置爲辭請令削奪官職 答曰罷職連 啓三日不允

初守慎聞逆變詣

闕上劄數行曰逆變起於士林中間虛言

從容劾治罪人斯得成渾見之曰字字帶邪臺

啓削出待罪

東門外鄭澈使人問之曰相國前薦逆賊今何如矣答曰各有所見

初兩司以改宗系事請 上尊號白惟咸獨以為不可至是 上尊號

前忠清監司李輅製述多士出火災崑岡之賦或疑而不製憲府以為四字初非可出之題當治獄之日隱然有不平之意請罷江原監司金應南與李浩連婚又卜妾其門請遞見日錄

憲府 啓叅奉尹起莘周流兩南交結逆賊請削 命起莘拿囚

杖死

起莘即李滌兄弟道義之交受刑十二次終始不撓。載一錄

起莘之在獄也家人欲行賂

求免起莘曰苟且而生不如死不聽

見泥錄

三月十三日全羅都事曹大中以為賊涕泣行素臺諫論 啓拿

鞠杖斃

初大中以都事巡到寶城聞逆變送其所帶妓相與泣別於是爲賊涕泣之說傳播遠邇通諫院欲論 啓黃慎曰不察真僞徑論未安若以大中爲吉士則妄交逆賊心必悔悟以爲奸人則與逆賊親厚之迹猶恐其見著爲賊涕泣萬不近情僚議遂止及慎遞臺諫論 啓殺之

見安那俊日記

初潭陽府使金汝功以討捕使周行列邑至和順訪大中于其家會汝立自殺之報適至大中曰國賊已得今日設酌未爲不可與汝功終日大醉而散至是大中招援引汝功爲證時汝功以義州牧使方赴任欲明其寃待命禁府門外鞠聽終始不問加刑大中

見混定錄

四月諫院 啓汝立包藏禍心非一朝一夕之故而銓曹曾擬金堤郡守黃海郡等以副其願求之計幾至變生不測堂郎請罷荅曰騷擾不允蓋李山海擬金堤李陽元擬海都黃慎主論劾之李山海辭職上疏 批荅慰諭備至

時士禍大作鄭澈主謀用事凡朝士有人望者率一坊陷入設為三等 見白沙集

五月蔡之穆等投疏告金克祹曾宰光陽時多造軍器助李滌兄弟為不道十四日尹夫人并穉子皆拿囚夫人竟致歷沙而殞三歲穉兒皆囊撲而死金克祹及南溪公婿洪淦金命龍等并就理至歷沙不服而二公之門生故吏奴僕盡施嚴訊而無一人承服

者

見時政記及金克祧家文字及李廷範日記中廷範其時問事即也

一本潭陽生員蔡之穆為光陽訓導與本縣校生等謀曰前縣監金國柱靈巖人也與李潑相識以陰助軍器為名則國柱可陷逆吾等受賞遂密告于新縣監韓德脩新造偽帖因校舉上疏時國柱為理山府使拿鞠而死光陽下吏等鞠問得誣告狀之穆等十餘人用反坐律皆誅之初李洁已死推治其老母孺子母夫人尹氏年八十二子八歲俱死嚴刑之下潑母臨刑嘆曰吾子豈有是罪潑子供曰父平日教兒者入則孝出則忠逆賊之事非所聞也上曰此言豈堪出於此兒遂并杖斃洁婿洪淦

可臣

金命龍俱歷膝

門生奴僕盡為嚴刑無一人承服者

見日月錄
已丑錄

汲與潑之子長年十二季五歲皆殺死潑母至於歷沙雖乙巳之

禍未有如此獄卒莫不流涕

見掛錄

同月全羅監司洪汝諄狀

啓羅州鄉所告鄭介清與儒生趙鳳

瑞

介清門人

往汝立規基地云々因於州獄未幾臺諫論其與逆賊親

厚及排鄭義論二事拿鞫

見已丑錄

初丁巖壽疏後介清之徒裴冀等上疏為師訟寃至是介清與逆

賊遊山之說傳播道內汝諄以真偽訪于羅州座首柳潑鄉校堂

長辛彭年以為的實

見混定錄

介清供畧曰壬午年間本州牧使誤聞虛名薦為本州訓導至於

再除賦性抗拙不能低昂以小學四書近思等書勤々教誨逐日
整巾服揖讓進退或有怠慢者罰之以楚其中矯虛不樂檢束者
嫉之如讎如校生洪千璟則至於面辱臣自度誠意不足感人人
亦不可與為善即為罷歸其後為本州書院院長舍怒者一二人
不告土主擅削院長終必欲殺之自逆變以來翼鼓誘張羅織構
陷無所不至丁巖壽疏以臣所著東漢節義晉宋清談一節指為
排節義又出通文謂臣托身於尹元衡家初出無形之言猶恐以
此不得致死今者又以為臣與趙鳳瑞偕往汝立規基地任意增
加罪目至於三度其誣陷必殺之狀昭不可掩臣與汝立雖在同
道一不見面目乙酉以校正郎始見公廳講校纔十日有何親密

實若現基往來則逆賊黨何無一人發告乎羅州鄉所鄉校有司等一處面質嚴覈言根昭雪冤枉云云同上

自上下介清與逆賊書因曰見道高明當世惟尊兄一人而已其所謂道者何道也又命詞臣將介清著說逐條攻辨榜示列

邑同上

介清書有曰夙欽德義有懷傾腸鄭澈啓曰現此書札介清與

逆賊締結正是不虛且所作排鄭義論惑亂一世集以鄭義為排

則必好為鄭義相背之事鄭義相背之事何事耶

見已錄

澈嘗以介清為不測之人至於排鄭義推問之際介清曰此朱子

之說澈厲聲曰朱子朱子汝何知朱子朱子於其師亦有背恩忘

德手介清垂頭不復言其後激每語及介清必曰介清未叛之汝

立汝立已叛之介清

見混
定錄

介清獄中疏畧曰在當時雖智者未能逆料為逆况臣昏庸豈知
包藏凶變哉凡書辭親密則辭煩而無敬謹之意相疎則辭敬而
多稱道臣與逆賊書不知奸而稱道過當則罪在罔赦不相親密
則見於書辭只其二度則非交結往來據此可見節義根於人心
之固有而扶持綱紀之棟樑臣雖無識豈不知節義之有闕於世教
臣前日所著者請朱子之論因有所感以著其東漢節義之弊而
已蓋節義云者明於義理而不蔽於利害之私故其在平昔行於
身者既足以君明臣直潛消禍本逆折姦萌而不幸遇患難則不

顧利害而能仗節死義者也若夫東漢之士其大義根於心死生
不辨則誠可尚也考諸本傳究其朱子之意則不修職分不務義
理汚濁朝廷高視天下常以臧否人物誹訐朝廷競為相尚而自
公卿以下莫不畏其評議從履到門則是乃學生執國命豈可以
長保其國乎故臣竊取朱子之意而謂徒知節義之名不知節義
之實則其弊或至於矯虛浮誕卒陷於利害之私故政不得其道位
不得其人失措於幾微之際而將使小人乘其隙無以為國矣故
梁冀之試賢帝李固為相而非但不能聲罪顯戮反聽命受制而
隱忍焉宦者之盤錯竇武謀誅而自失其先後輕重之序卒之士
類殲滅國隨以亡此皆不務節義之實而然也父也學至明其明

德格致而知其節義之本誠正而行其節義之實則人道正綱紀
立雖欲仗節死義自無仗節死義之患矣臣之前日所論節義清
談語雖未瑩其實有意於培壅節義根本而反以為排節義此非
臣之本心而抱冤無所發明者也

委官 啓觀基之事一向補完至欲與鄭能等一處憑閱似為不
實而排節義一說眩惑後進其流之禍甚於洪水猛獸請刑推得
情 答曰依 啓刑一次後請加刑 命照律初配渭原委官更

啓改慶源阿山堡六月到配七月殛

見已錄

時介清再出於賊僧性熙招有拿 命而介清已死於配所矣

見

錄

時寶城居金用男金山重等與古阜郡守丁焰同議告羅州人林地松廣寺僧性熙與吉三峯留松廣寺三日庵同謀起兵林地以戰馬賣買事歸順天妻家云云林地一門及寺僧惠熙希性心懷心淨三十餘人及寺傍居人二十餘人拿囚鞠廳 啓曰松廣距寶城六十里距順天八十里距古阜三日程朝廷方未吉三峯用男等何不告六十里寶城八十里順天乃告于三日之程古阜守古阜丁焰之妾即用男山重之妹也其間情狀未能的知焰恐其獄事不實反坐自其郡多載綿布行賂禁府獄卒教誘性熙誣服熙不援引諸林自以為與汝立同謀於是諸林皆蒙放惟地受刑一次定配北邊性熙文書中有密記 上問汝何得之性熙供曰

某年往汝立家膳豈美 上又問其時汝立獨在乎供曰座中有

客其一忘名乃前谷城縣監鄭介清云在是介清還有拿 命同

月二十六日 傳曰潑等事狀已著證據已悉依律處斷議 啓

禁府 啓惟在 聖斷云云

二十八日以李潑等事收議頤相李山海議潑等事臣之愚見亦

與禁府回 啓之意無異惟在 聖斷鑑量沈守慶議小臣不參

於李潑等推鞠之時只聞傳播之言未知其出於賊口者何如也

但不服既斃之後因賊口援因斷以逆律恐或未盡於刑政大體

伏惟 上裁金貴榮議小臣伏見李潑罪目只係於與逆賊親密

綢繆別無同參逆謀之端今以同參之律追加於既死之身未審

於政刑大體何如也伏惟 上裁委官鄭澈 啓李潑等之罪昭
著已久誅討之 上教至嚴以臣等昏昧固難容贅請廣收廷議
上同

六月初一日二品以上收議黃廷彥或俞泓金命元尹卓然朴忠侃
黃琳邊協金貴榮李山海沈守慶任訖鄭澈李陽元等議當初既
不承服斃于杖下以證據擬罪適加重律為未穩崔興源尹根壽
在家收議亦同崔滉方在告不收議權克禮追議亦同權徵議刑
政大體關係一世勸戒如有分毫未盡之情則人有辭而獄不成
以潑浩平日所為及賊招揣之則潑不服知情隱蔽之律浩有問
於潑若目之以叅謀緝之以上刑則似為未安至於汲未得顯達

之一微官既無推獎釀變之跡有何輕重於逆賊乎混加重律恐

過重

同上

同月羅州梁千頃梁洞等上疏論鄭彥信護逆狀 傳曰彥信欲

斬告者之說公然發說廳中事駭然莫甚於此而朝廷無一言因
儒疏始得聞之是亦可恠之輩也彥信身為大臣敢肆欺罔其兄
彥智亦歛之此二人者心已無君不勝駭愕鞠廳回 啓彥智此
說傳播已久不以上聞臣罪大矣既已現發不可不問即招他大

臣議罪依

啓

見時政錄

委官 啓曰梁洞等疏出於草野荒僻之中不無流聞不實之語至
男炙口爛耳乃其一也然鄭彥信斬告者十餘輩之說嘗播都下

臣亦有聞果如其言此乃反獄手段其為罪狀固難容貸此一欵
請招問叅鞠諸臣然後處之為宜

見己
丑錄

姜海

上疏曰鄭彥信竄時崔永慶門徒等日來鄭所不以為言而

為賀其志難測云云

命招叅鞠大臣禁堂問之金貴榮曰左耳

偏聾耳非高聲不得聞俞泓洪聖良曰彥信以為此實無根之言若

不治則將不勝紛擾斬如此出言者十餘人則浮言自止臣等力

排之李山海癰病不來

上命往問

啓曰日久不能分明記憶而

監司狀

啓不為詳盡故詳悉其由急急更

啓事回

啓時彥

信之言似發於此時矣

同上

大憲洪聖民

啓曰當時之事可駭可痛者非一非再持兩端者

居多與微臣雖冒推官時或出言人皆反目以視臣與俞泓相顧
咄口疾信發言之時臣實抗之李山海亦言其不可顧語臣曰吾
見與判尹同彥信再三唱訖則山海稍屈曰更思之以直裁之則
右相之言是矣彥信請推黃海監司臣言其不可座中亦有言者
其事遂寢山海之啓曰不得分明記得者此尤山海大病之餘昏
忘致此然不能無恠天日在上鬼神在傍欺罔君父何以生為臣
有此懷不能達於推鞠之時又不能陳於論罪之時厥罪惟均請
伏司寇之刑 荅曰卿既親見何不即言而今因儒疏多費辭說
甚不合理人言之或左或右不是異事豈可因一人之言而欲橫
嫁於他人乎既為辭職休 啓 傳于政院曰洪聖民 啓 辭內

欺罔事政院依

啓回

啓曰以文勢視之似指山海而以厥罪

惟均之語視之則恐是自責之語也遂命招聖民對以自責已過

正言黃慎

啓曰邪議橫生事機之危間不容髮苟非聖民俞泓

抗言力排則未知國事終何如也假曰聖民之言不無過當不猶

愈於諸人之首鼠兩端者乎今也

譴責之嚴不加於彼而反加

於此臣恐依阿顧望者因是得志而忠直之言無路上聞也彥信

所言同坐皆聞之而李山海獨以為依倚記憶此雖與稱耳聾者

不同已非直截之言而又以劄辭自明前後異辭大臣告君豈容

如是 上震怒即

命遞職

見時政錄

特拜洪聖民慶尚監司黃慎高山縣監

見已丑錄

左相鄭澈 啓以雖未親見鄭彥信欲斬告者之事傳播已久聞

之熟矣而因循緘嘿終末 上聞請免 上曰勿辭

見時政錄

顧相李山海辭免 上優諭曰卿何遽有此呈辭百計圖之卿之

態予已知之雖萬人攻之不可信也吁卿去則他相亦不能自全
是豈美事勿復呈辭速為出仕則多事好矣不然人必有侮之者

矣上同

追刑全羅都事曹大中右相沈守慶辭遞鄭澈還為委官初大中
臨死以詩呈省座曰地下若從此下去孤魂含笑不復悲判義禁
崔滉欲達委官沈守慶曰臨死亂言何足上達至是滉卒白之
上引對問故沈守慶對曰凡罪人原情供招外餘事更無受理之

例况臨死荒亂之詩乎 上震怒特拿其妻妾子女弟侄大中論以逆律戮尸寧慶三薛遞上同

禁府 啓曰大中奴事李潑白惟讓恒言李珣成渾可殺與逆賊交結甚密逆賊自殺之後涕泣行素之說發於公論以逆律固不足惜然此諸前後伏誅諸賊似不無有間 上曰曹大中悖逆之狀自有其詩而流涕行素渠既自服別無更議庇護逆賊自有其律按律施行時將歷膝等刑施於大中妻妾委官與禁堂 啓曰逆賊與護逆罪有輕重今以護逆議大中而鞫其妻妾於刑政大體恐有未盡再 啓始 允女人則勿問其外訊之上同

至是禁府 啓梁洄疏云泰仁居房大遂等拿來事發遣羅將到

本縣訪問元無房姓人他無楠發之路恩津縣監趙綱憑問處實
傳曰李潑等初出於鄒緝之招又出於宣弘福之招又出四伊
之招同聚事狀不一而足況其平日逆賊締結綱繆合爲一體之
狀尺童所知而往來書札不啻如父子兄弟失刑於此則當治何
人乎春秋討賊之義身無存沒依律處斬依 啓逆賊命送兵犯
於鄭孝信之說十分的實未滿一哂孝信聞之亦必不服長箭欲
何爲哉況其疏說誣罔百出此不足問不可以此刑推但趙綱以
逆賊移書於金孝元爲辭文逆賊欲爲子弟入學則交友之當道
非一何必傳囑於己爲永興之孝元乎當此人心極險之時堂堂
國家因外方儒生荒雜之疏推鞠推刑大傷事體必有後弊不如

寅之趙嗣除刑推放送房大進勿論 已丑錄

吏判柳成龍拜右相崔滉拜吏判 上全

二十日閉門後委官密 啓禁都自門隙入 啓鄭彥信締結逆

賊欺罔君父不但負宗社蔑君父而已崔鄭爲心腹窟穴云云夜

三更發遣都事李培達七月拿來委官 啓曰推鞠事體恐不當

與凡罪人同大臣鞠於三省無前例可據與他大臣同叅按問何

如 上曰他大臣議 啓沈守慶議大臣推鞠無可據之例不可

不推鞠則似不異於他李山海議既有大臣承 命按問雖不與

他員同叅恐爲無妨柳成龍議前所未有之事恐難創開 上命

禁府考啓大臣推鞠前例禁府回 啓曰推鞠本府未有前例康

純南怡之招鞠於

親臨皆非三省可鞠此外無可考之籍

上全

掌令張雲翼持平白惟咸

啓曰伏見大諫沈忠謙司諫吳億齡

避嫌之辭只舉鄭彥信欺罔締結之罪無一言及於斬告者之說

且曰因其已著之罪而定斷其律今無可據之道其言其意實所

未曉斬告者一事豈不緊重可鞠之語若曰因已著之罪而斷定

云則彥信罪狀昭著於未竄南海之前討惡誅罪自可加之於謫

地何必密下備忘傳示大臣三司而更爲拿致旣而拿來豈有不

爲鞠問遽先斷定之理哉忠謙等雖曰自己引嫌而不無裁節緊

語解釋大罪之失云云

上全

大憲李齊閔掌令申礪議不同避嫌

命遞職

傳曰闕庭推鞠

原情入啓初下賜死之命諸大臣曰我國曾無殺大臣之事云云
傳曰仍囚從容處之兩司 啓請庭鞠累 啓始允刑一次後

命甲山定配兩司又請更鞠至八月 答曰何如是強執乎彦

信爲人不過不學無識自不覺其陷於大罪耳逆招有先殺鄭彦
信申礫而後舉兵此亦當恕彦信之罪今若強爲更鞠或致挫斃
則必有殺大臣於殿庭之名上下相持之際又或病斃則又有大
臣下獄病死之名皆不爲吉卿等胡寧忍此於是兩司停啓三更

出獄門

上全

傳曰柳夢井爲逆賊所深許則其締結之狀昭不可掩若止削職
逍遙一閒人使之高卧鄉園花朝月夕與野老爭席則其爲失刑

莫此為甚於是委官請拿鞠日月錄

時拿命下五月至六月推案入啓傳曰諸葛亮治蜀服罪

輸情者雖重必釋飾詐巧言者雖輕必戮今夢井吳賊締結之狀

聾者亦知况其事狀昭著於簡札中乃敢以萬無納招肆行欺罔

侮慢朝廷極為痛心但將來亦有可訊罪人姑勿加刑仍囚二十

餘日杖幣已立錄口再并子許等處達義州

參奉司上疏辭職蒙免父官

同日名後改梁千會等以吉三峰為崔永慶言于濟源察訪趙

鹿祺報于全羅監司洪汝諄枚舉密啓一遑移文于慶尚兵使

梁士榮則士榮因都事許昕之言先已逮永慶矣鞠處啓請覈

問于汝諄汝諄引應祺應祺引金克寬克寬引梁千頃

魯西集
己丑錄

晉州品官鄭私祚言于判官洪廷瑞廷瑞言于密陽教授康景禧

景禧言于金晬晬言于都事許昕昕言于梁士瑩

掛一錄

先是二月憲府啓前司畜崔永慶與逆賊交契甚密鄭彥信通

書中所謂崔孝元亦指此人參謀相厚據此可見請削職三啓

不允至六月正言李洽又啓請削爵答曰崔永慶予不知何

許人逆賊交結時無現者可據之事實之未爲不可不須削爵後

允之

至是八月拿來推鞠供曰臣少孤貧病無田可往居城中牛人與
廬四十年癸酉年爲虛名所誤濫授六品揆分難堪即下晉州杜

門屏息二十年今者不幸爲奸惡所構陷臣性本愚頑不能隨人
俯仰爲世所憎嫉久矣今奸黨以臣與逆賊相交指以爲三峯臣
與逆賊不知不交國人之所共知之丁丑喪子上京逆賊因李潑
來見哭泣之中但一見面臣若不直達則人無知者何敢以一身
死生欺罔天日乎臣若與相交則逆賊文書中豈無一處書札乎
吊喪時觀其爲人狡猾太甚故臣常戒安敏學李潑等勿爲親厚
且萬場洞之說平生所未聞年過六十杜門屏迹之人五六日程
豈有與賊相厚之理鄭彥信簡札有曰崔孝元云尹起莘簡札有
曰崔文云臣不知其所言而必是浮雜之輩自相告語臣於是非
萬無干涉况三峯之說尤爲無理凡人別號必以平生工夫所在

或以所居山川爲號臣所居沮洳澤畔有何據而爲此號况三峯者奸臣鄭道傳之號臣其敢蹈襲以自汚乎奸黨之妻斐成錦粘榜街巷或誣引陳疏終至於喉人誣告必欲殺之而後已眇眇一身何以自明所恃惟天而已

永慶供自某年以後不復相通云云 上下逆賊與永慶書數紙

乃某年以後書問何以欺罔永慶供曰老病昏忘初不省也然臣則實無便不能作答矣鄭澈曰老人容或忘之若逆賊文書中無

渠答書則可知其不忘永慶遂得免刑

魯西集
日月錄

一說永慶對以不知逆賊 上不直之鄭澈請訊 上以爲處士

不可加刑釋之

涪溪記聞

上又下一詩于鞠廳曰永慶篋中有此詩乃渠所自作此何等詩
耶其末句有牛溪一夜風生虎仙李根搖有髮僧永慶供曰臣本
不能書今見此詩所書字體茫然不記何人所書臣平生不解詩
亦不喜詩家事此豈所敢作變生之後人皆去文書且聞崔三峰
之言亦已數月臣心淡然無所犯故不敢焚去文書安而待之臣
之所知唯李魯能詩喜道人詩句恐此人聞此而傳送今觀其書
非魯所書逆賊通書事臣當初納招專未記得故不即並達逆賊
因李汝來見事他人不知猶且不譯豈獨諱此一張書自陷欺罔
乎臣非欲探知朝廷常時說辭不能婉順見嫉於人常患多口故
只欲聞嫉已之言至於癸未李珣被論或以爲臣所爲至謂臣三

度來京云平生虛謗不少故欲聞世人謗已之言也臣喪子今十
四年專廢食飲只欲度日朝夕待死豈有欲聞朝家事之理臣聞
今年京中多般虛說傳播安敏學筆必欲殺臣而後已故臣欲詳
聞其奇耳請囑脫人罪事則已卯年間以州居士人等為豪強陷
於不測此皆冬一裘夏一葛者決非豪強而見憎於人故臣以此
通書耳圖得第官則臣竊不能奉先祀欲使弟為鄰邑守令此則
萬死難贖立夫

鄭度信

蘓齊

盧守慎

臣只與此人相知而已豈敢

以此為窟穴乎推案入

啓

傳曰崔永慶金榮一放送院

啓

李洽李尚
吉具說

崔永慶以詭性陰惡之人其在平日締結逆賊及發浩

彥信兄弟以尹起莘金榮一輩為腹心朝家動靜時政得失莫不

交通干與變生之前汝立越境來訪於其家親密網繆之狀昭不
可掩及其被拿乃敢以曾未相識不通書札納招而賊書一張不
能盡去交厚之迹始不逃於天網之正况其弟以潛通時事終斃
杖下起莘方同罪受刑而遽見放釋請更鞠依律定罪金榮一請
命遠竄 答曰永慶不可更鞠榮一不須遠竄於是諫院請

啓更鞠憲府

啓請遠竄

諫院具疏李尚書等
憲府宋象賢張雲翼

九月

答諫院啓

崔永慶越境相從之說出於何處言根詳啓諫院 啓曰以逆賊
簡札所謂頭流之約觀之其平日親密無疑且逆賊來見永慶判
官洪廷瑞言於都事許昕云云 命洪廷瑞許昕崔永慶拿囚永
慶供曰此禍之作往在丙寅丁卯李珥之出舉世咸謂古人復生

臣獨笑其不然。厥後或以臣有先見之明，於是李珣之憤極矣。儕輩門生不容於清類者，指臣為惡，與訛造訛，粘榜街巷，終至中外合說，幻出無形。以至此極，人家書札皆投烈火。臣聞三峰之說已過四朔，而此心淡然。凡雜文書不為投火云云。所招引監司金眸命政院，招時問之引晉州訓導康景禧廷瑞引邑官鄭弘祚廷瑞弘祚刑一次後放送永慶死於獄中。永慶在獄嘗病，委官使醫診視。永慶徐縮眉曰：「這病非委官所能治，終拒不聽時。」上聞其病，命罷刑。永慶雖久係常危坐，未嘗一日卧。顏色揚揚，然如昔食罷神氣遽逸。就枕，朴士吉同係人膝傍人皆驚恠。家人欲試之，請寫一字。永慶徐起，大書一正字，字畫已訛。顧士吉曰：「公能識否？」有頃而卒。九

月初八日也

守愚行狀
己丑錄

一說永慶招洪廷瑞居官不滿人意鄙其爲人累請見不許以此
做作無形之言臣病不出門已久安與汝立相會於七百里之外
鞠囊請拿廷瑞廷瑞蒼黃失措謂監官鄭私祚曰此言聞得於汝
汝母隱諱私祚大驚曰何以發此言夢寐所不知之言何以及之
於今及鞠問私祚曰距永慶家六十里雖有此事何能及知永慶
杜門不出鄰里不知動靜况在遠人乎刑二次放之廷瑞知其反
坐以毒鎖永慶云

掛一身

憲府 啓曰禁府不嚴使罪人得以自盡色郎廳請罷依九部事
康宗允以不謹救護鞠廳 啓罷

初賊黨皆言吉三峰爲上將鄭八龍鄭汝立爲次朝廷遂尋吉三峰所在各道以三峰捕送者前後無限其時逆黨李其李光秀等或言往全州吉三峰家時年可六十面鐵豐肌或言年三十體長面瘦或言年可五十餘髯長至腰面白而長其後金世謙言三峰非上將乃賊之卒徙居晉州年可三十日行三百里云又有一賊言三峰本羅州士族云寂後有朴文長言三峰非吉姓乃晉州私奴崔三峰云不久外間浮議紛然或言三峰居晉州年可六十面鐵而瘦髯長至腹體長或言三峰乃晉州崔永慶也或言前一年有士人過全州萬場洞有賊聚會射候永慶首坐汝立次坐云云人有聞而疑之者曰永慶居晉州而年六十面瘦而鐵身長髯亦

長又有萬場洞之說外間所云無乃近耶李恒福聞而疑之曰諸賊所供各相不同年紀老少形體肥瘦前後霄壤今乃摘出諸供中與永慶相似者數語湊合而乃云一賊所供依然是崔永慶此非外間悠悠浪傳必有明知鞠獄曲折者巧為機穽驅永慶而納之於三峰先播浪傳使之熟於人聞也及其執獄恒福為問即鄭澈為委官一日退歇後廳招恒福問崔獄恒福曰自起獄以來已過歲序何嘗有一人指永慶為三峰今無端以道聽塗說因處士不幸而死則必有公論相公何得辭其責乎澈大驚曰我與永慶平日雖以論議相角豈至於欲相害此出於本道訛傳於我何干恒福曰非謂相公陷之知其無根而坐視不救豈推官之體名曰逆

獄囚繫滿獄推官固不敢一一伸理至於永慶囚中之尤無根可
名者且是孝友處士何可不救澈曰我當極力救解再鞠之日永
慶略陳時事且及與牛溪異論之由鞠畢澈退後驪招恒福色頰
怩然曰君觀其供辭是何也君之崔公甚不好也恒福笑曰我與
永慶素昧平生何得言君之崔公第相公不悅者無乃言及時事
耶曰然恒福曰然則相公初不知永慶也永慶所以異於時輩者
以其論議不同也未再鞠之前已可知之若必履鞠之下苟然盡
喪前日所見區區強為詔說以冀幸免豈真崔永慶也今之所供
不變初心所以爲高處然此則都不須論今之所鞠者只問三峰
與否論議何干獄事澈欣然曰公言政是我未及思也後又曰我

已得救崔之妙策矣創草已具且與西涯約若刑推命下聯名救之則可諧矣恒福曰柳果有是約耶澈曰已成金石矣其後因公事到柳成龍家極論崔獄之寃成龍只答數語恒福因言大臣不可不救成龍曰如我者何敢救解恒福累累極言成龍乃曰舍人不可如是太慷慨世道甚險切宜慎言恒福曰余與崔本無半分交誼誰敢疑迹成龍曰世事不可測事至波及人誰得脫千金之軀千萬愛惜

白沙集。已丑記事。眉史許相。著崔。子。男。武。曰。白。沙。遺。稿。有。已。丑。錄。載。先。生。死。事。甚。詳。且。有。其。子。男。武。之。事。

聽用事者言遲之有初鄭澈聞逆變自高陽入城李貴與辛安晉

偽作已丑錄行於世

偕往力陳公平鎮定之意曰公師平日為台監春春今日舉措若失士望則必累及公師澈曰君輩之言正是吾當盡力行之未幾

澈代鄭彥信為相時獄事波漫濫及無辜澈不能鎮定以致狼狽
至於鞠問之際有時沈醉戲談大失人心貴與成文清偕往極言
時事曰公不用吾輩言以至於此澈掉頭搖手曰君之前言極是
如此之輩非吾所能鎮定延平曰記鄭澈嘗於省座指永慶曰彼漢斫
吾頸欲如此以手畫其頸因大笑柳成龍曰此非戲談之地人皆
以而見為謹慎君子季涵為虛妄君子謹慎與虛妄雖不同其為
君子則一也澈顧謂李山海曰吾之所為非戲也他日以余為構
殺永慶之時欲以為口實也成龍微笑山海默然混定錄永慶之
弟餘慶蔭仕在京以諺簡論朝廷是非送于永慶上惡之刑一次
而斃

永慶文書中李黃鍾書有枉詆時事以至逆賊為士林之禍於是獄事遂

重 命拿黃鍾刑訊致斃白汝集日月錄

李彥吉為金堤郡守時還上倉穀十餘石題給汝立鎮安縣監閔仁伯

告彥吉備給百餘石以此死韓百謙叔震吉死因墓 啓受刑一

次日月錄掛一錄 申湜名在汝立門生錄校逮供曰曾與逆賊一不

相通書札 上下書名湜者一張湜曰南中有鄭湜者又下其喪中問

禮姓名者一張刑一次日月錄

金尚憲在瀋陽時與湜子得淵同處得淵力言松江欲與之相好

而厥爺不答故搆誣云石室語錄

金憑素與汝立不相得成隙有風眩目寒觸風淚流鄭賊磔尸時

百官序立適日寒疾流累以布拭曾與白惟咸有隙臺 啓以為
哀泣搆殺之自是朝野側目 記溪聞

時李潑白惟讓鄭彥信出於逆招其餘或出於臺 啓或出於書

札而憑之死尤為冤枉云 混定錄

十月以李潑等事 命招大臣及禁府堂上議 啓初三日政院

啓昨日委官 啓辭李潑等家籍沒與否他大臣一時議 啓

事 允下矣遣問事郎廳收議乎會于一處收議乎答命招議

啓仍 傳曰禁府堂上亦為 命招

同日二品以上秘密收議入 啓全

備悉記李潑浩汲等按律定罪事在不疑而群疑如此當從群議

矣予觀大明會典有逆外籍沒之文然則雖非逆賊有籍沒之法
矣永樂時夏元吉因事籍沒此則雖非大罪有籍沒之典矣古者
多有籍沒其家之事我朝亦有前例況與逆賊結爲心腹合爲
一體同謀之迹實著諸賊之招情狀昭昭天地之所不容者乎其
不能取服明示正法失刑甚矣今不籍沒其家不足以嚴討賊之
典洩神人之憤李潑沽汲白惟讓曹大中護逆凶悖惡上不道
并籍沒事議 啓諸議并以未取服遽定籍沒有後弊爲 啓十
四日 傳曰李潑沽汲白惟讓曹大中家并籍沒 見時政記
先是二品以上收議時右相柳成龍議 啓曰罪人必承服而後
有籍沒之法今此數人皆不服而死殊爲未安云至是有是命

西崖
年譜

東南小史卷之三

洌水丁若鏞輯

萬曆十九年辛卯

我十四年

安僉樞邦倭嘗陳疏云李潑八十之

母十歲之兒俱斃於杖下其為究痛道路皆言其日記中曰李潑

母尹氏年八十壓膝而死諸孫皆八九歲亦不服死家僮十餘人

無一人亂言而死以潑之孝友竟至於此天也

二月儒生安德仁等五人

李元長尹竊李瑱李景慶

上疏詆斥鄭澈誤國上

引見問何事誤國對曰為大臣沈于酒色其誤國事必多上曰

酒色豈為誤國諫院合啓鄭澈性偏多疑好同惡異汲引所好廣植私黨

羣聚其門日夜如市擅弄朝綱恣行冒臆威制一世莫敢誰何至於闕中

為政私招銓即指揮注擬使之停留政事欲引外任之同志者則陰嗾言官故以微罪彈論且與宋翰卿兄弟結為心腹接實鄉家及其下教捕捉餽辭待罪猶且匿實與之講張論議自上判決之訟制訟官必欲改受丁巖壽等拿來時巧生救辭之計密令淹留中路不即就訊使盡諫論執帛布上章尤以縱酒荒色蕩毀名檢國人醜之因念羞耻外假謠浪實使娼妓及其肝肺盡露無所自容而猶不畏哉浮薄愈深請罷職令人白惟威終結澈為其心腹主張時議擅弄朝廷進退在手威福由己勢焰益熾縱恣濁亂請罷職上曰私招銓即彈論外任的指其人具看頭末以啓回啓盧按為銓即時私自招去外任則閔定命崔洙金鼎矣答曰相職既免不預罷白惟威事依 啓閔三月十四日兩司合 啓領教寧鄭澈擅弄朝綱裁制一特請

罷依 啓

十六日 傳曰古者罷黜大臣榜示朝堂所以昭示罪狀於國人
之耳目而懲後人也今此鄭澈罷職承 傳依古制榜示朝堂

六月二十三日大司憲李元翼執義金玔掌令趙仁得尹覃茂持
平李尚毅鄭光績大司諫洪汝諄司諫權文海獻納金敏善正言
李廷臣尹燁等合 啓前領敦寧府事鄭澈及白惟咸柳拱辰李
春英等交相朋比濁亂朝廷欲陷異己之人教誘湖南儒生上疏
名卿碩儒驅入逆流欲盡殲滅云云請并逮竄依 乞 都政吏
曹擬白惟咸柳拱辰於學官望 上震怒教曰白惟咸等朋奸黨
邪美權亂政薄示譴罰於是身幸矣總罷其職叙命未下乃敢隱

然擬諸師儒之望試予淺深其欲以此輩冒居函丈導迪多士俾皆學其污險之術耶問何官出言擬望乎以正郎尹暉先出言爲對 命同參堂上推考暉拿囚捧供 上以爲有指暉之人詐以不實則刑推更問仍 命削職

於是兩司揣 上意以鄭澈白惟咸柳拱辰李春英等即是奸凶而不即正罪引避 上荅曰鄭澈之他罪姑舍惟其陰囑湖南之儒構誣呈疏悉舉一代名卿士大夫之異己者盡驅之逆賊之黨期必屠戮殲盡而後已及其奸謀未售肝膈將露自知其勢窮辭迫又喉臺諫胥制 君父終得以售其志惟此一事求之古奸鮮有其此其心之慘毒鏢錙爲下念之令人氣塞

大司憲李元翼執義金玔在外掌令趙仁得尹覃茂持平李尙毅
鄭光績大司諫權文海獻納金敏善正言李廷臣尹晬等合啓
曰鄭敬本以剛愎之性常懷怨懟之心乘國家不幸之時竊居非
據之任謀擅國柄廣植私黨日聚浮薄之徒締結陰險以傷人害
物為心至於政廳卽官公然招去使 殿下不得為政專擅已極
同列大臣視若仇讎外若親厚內竊媚嫉入侍 天威之下與李
山海有若同寅恇恭者然恣行欺罔且於稠廣之中呼柳成龍姓
名顯加侮弄黃慎將赴北評事而急於進用托以望輕論遽旋卽
歷通清班金解閑定命崔洙方為守令乃以微失劾歸其誣上行
私至於此極奸兇陰孽廢棄多年善於推占相與為密擢真洪仁

傑之居官別無聲績以結婚之親過加褒獎至陞堂上宋翰弼兄
第實是叛王之奴而匿諸京家至於妻妾混處凡百凶謀秘計无
不謀議啓下已決之訟迫令該官改決丁巖壽等陳疏實非多
士所為激二三門客承其指喉以成其謀誑聚者若干人充載疏
中幸賴聖明洞燭其奸命遞罷相職以示貶薄之意為激者所
當杜門省愆之不暇而日聚私黨日夜謀議公辦酒肉官駝妓工
往來遊宴於江湖此果獲罪君上退伏惕慮之意乎至於劾罷
其職榜示其罪之後猶不知戒橫行閭里出沒諸處怨天尤人死
所不至或以削職罷黜藉欺撓功臣其他極凶極悖耳不可聞口
不可道之說爭相煽動將啓國家无窮之禍罔極之罪可勝言哉

請削職遠竄以為植黨專權脅君擅國者之戒焉白惟咸柳拱辰
李春英等交相朋比濁亂朝廷請并 命遠竄 荅曰依 啓澈
配明川餘皆西遁

上以澈大臣 命移晉州諫官 啓曰惟咸等之配敢生營救之
計或西或南擇其便近屏四裔禁馳之意如是乎請罷禁府堂
卽於是改竄惟咸慶興拱辰慶源春英三水兩司令 啓郭澈罪
惡靡有其極而苟非黨與為之助張聲勢則澈無所售其奸右贊
成尹根壽性本輕佻加以險邪自少結交皆戚里也當澈之擅國
用事奔走其門有同奴隸陰謀秘計晝夜共議且與白惟咸結而
婚媾益固朋比之勢判中樞洪聖民外儲儒名內實陰凶劫東銓

柄擅擬趙憲謀為網打士林之計及為憲長百計搆捏托於翻獄之說幾陷相臣於不測之地平日所經營莫非助成奸凶之勢濟陷異己之說出按南服常懷惡懣凡百機務亦不經意及於勲盟上來激極力圖留遲延不發驪州牧使李海壽賦性邪毒見棄清議常懷惡懣怏々鄭澈得志之後聲勢相倚以助陷善類為良策以引邪黨為急務常以謀害相臣日夜經營任為已事歷抵公卿之門遍探可否為正論所折終不得遂其意襄陽府使張雲翼本以浮薄之人性且陰險奔走權門如醉如狂為澈鷹犬恣行噬噉此四人等為散羽翼請并命削奪官爵荅曰依唐尹恨壽元勲只可罷職

七月初五日兩司論劾前臺諫承權奸指喉論救丁巖壽等乃寢

拿命并罷職依啓丁巖壽在邠未捕洪千環逃縣梁千雨姜

噴承服斃於安杖同月又因臺啓竄洪聖民富寧海壽鍾城雲翼德城

根壽削職又啓鄭澈之罪大惡極國人所共憤禁府之配

明川已為可駭自上移配南方便近之地罪本家教日程與寇

穴私黨交相徃來謀議猶有不可劓請改配兩界於是鄭澈改配

江界禁府都事李台壽押到順安馳啓罪人病重不得趨程押

去傳曰台壽不畏朝廷押去奸賊不嚴任意自行徘徊留連拿

鞫遣他都事押去鄭澈賦性狡猾奸毒既到配所交通雜人未知

作何罪狀嚴加圍籬可也見時政錄日月錄

初鄭虔信之謫甲山也府使申尚郡待之頗厚御史白惟咸竄得其私書以責之并欲陷鄭未果人多言鄭澈意也及澈竄江界府使趙環亦厚接焉臺諫之論下環吏人以為報惟咸之舉東西之禍至此酷矣見荷潭錄

兩司合 啓兵判黃廷或猜險貪饕汎濫鄙陋不可勝言自託國婚之後驕橫益甚人或警之必奮然曰不過失一兵判耳勲府尚存右丞旨黃燁自少無賴不容人類自言鄭澈雖失勢我則托婚於國山海成龍可圖澈之不復入不患也此父子朋奸黨逆堂々國家下婚於無行之家手戶判尹斗壽構陷士類羅織無辜無非此人所指劃左丞旨柳根去就惟視炎冷雖澈之奸疑其反側而

不信乃虱付鼠伏方在裛中各夜伺隙黃海監司李山甫締結權
奸合為一人司成李洽趨附諂媚無所不至人或言則必攘臂
大言小人之名自吾當之矣曹正郎失其名一從指喉謀陷大臣禮
曹正郎金權陰譖朋比曲護私黨高山縣監黃慎托為反獄之說
誣陷大臣使其計得行則必至空國而後已其補外快々憤怒司
果具劄秘迹出沒造為無根不道之言請并罷職 荅曰風聞之
言不無失實兵判萬元勲黃赫豈如是乎尹斗壽寬厚有才智柳
根文藝之士予甚惜之此四人不可從李山甫以下依 啓見日
月錄
臺 啓又論黃廷或等四人比金安老三黜三人又引紹聖之事
荅曰兵判多有施措盡職之事元勲秩高之人有何不足而肆

行貪鄙等語風聞失實或有放浪花柳之失不足浹咎銀臺貪鄙
等語風聞失實尹斗壽誠可用也柳根輕疎不過一詩士予嘗愛
其才大緊巨惡已去餘黨繼黜自餘諸人蕩滌收用務令鎮定未
為不可不 元所司欲去斗壽懾等連 啓至請斗壽懾遠竄懾

得罪朝廷國婚不可行於行同狗彘之家請改定 荅曰匹夫婚

事不可失信况千乘之主乎斗壽竟竄洪源懾削職

見日錄

是歲春斗壽固請倭情

詳下土辰錄

使臣金應南之回

上嘉斗壽先見 特命放還臺諫請勿放 上命移配迤安又

啓嚴壽等拿來臺諫承權奸指喚論執不可請并罷依 啓大

憲崔湜執義成冰掌令沈喜壽尹暹持平申礪禹浚民大諫李增

司諫吳億齡獻納白惟咸俞大進正言姜燦李洽也

時錄

八月又所 啓前吏議朴漸汲引論邪布滿朝廷請削職忠清監

司李誠中士類中人與聞鄭澈謀議舍人禹性傳好生詭異之議

脅持公論黨護鄭澈請并罷 答曰朴漸李誠中依 啓禹性傳

素多人言出於賊招賊札者匪一此人近十年徘徊於外頃者一

再入侍為人甚險不可只罷削奪官職誠中為副提學上劄論

儲事禍本由此大諫李德馨避嫌疏畧曰近日方請追論奸黨之

罪而小臣妻父李山海之名連出於彈章隨衆論列亦有所碍

請遑不 允

見時錄

九月大諫洪汝諄 啓崔永慶為吉三峯之說不過鄭澈陰囑梁

千頃兄弟及姜覲等使之做出而殺之請拿問千頃等依 允拿
囚嚴刑千頃囚任禮臣等并十餘人獄官不問仍鞫千頃以輸情
為恨千頃妻從兄奇孝曾謂千頃曰殺人之律當分首從為首者
獨死而從者例減此事必引鄭澈然後汝可生矣千頃遂引鄭澈
乃得減死決杖之配并死於決杖之下姜覲海改名

衣帶疏曰誣服臣姜覲臣於洛中偶然傳聞傳說於金克家克家
傳說於應祺本非臣所使若以傳說之罪之律則臣亦無辭若以
誣陷之罪行法究枉罔極云云見月錄

千頃等獄死時恒福居閒得見其供辭當初互相捏造煽動分明
是千頃等所為始信前日髯長至腹等湊合之說定是千頃

所為矣於是副學金誠一請雪崔永慶寃死事命議大臣後復職

己丑日

萬曆二十年壬辰

我宣祖二十五年

四月倭寇深入三十日

大駕去邠

五月五日

或初一日駕次開城召還鄭澈同上

萬曆二十一年癸巳

我宣祖二十六年十月

大駕還都聞永慶妻子飢

餓將死

命該司給料賑恤十二月澈病死

同上

萬曆二十二年甲午

我宣祖二十七年

五月前縣監權愉上疏曰奸臣構

陷林下之士快其私憤歸悉於國

上問林下之士為誰對以崔

永慶

十九日喪人鄭宗演上疏辨誣不報

傳于政院曰三峯之言其

時賊招則有之鄭緝則予親鞠之緝招無此言矣

宗漢疏有云云有是教

二十日傳曰故司畜崔永慶為奸臣挾憾構陷冤死獄中追

贈伸雪事下吏曹贈大司憲

於是兩司論鄭澈構殺崔永慶陽為救解陰實擠陷請追奪正言

朴東說避嫌啓畧曰其時自上下永慶搜求四韻詩澈對以

癸甲兩年流傳之說此永慶不能詩非永慶所為上曰永慶何

如人澈對以居家孝友又尹斗壽新為都憲澈貽書曰年少輩為

此論須力遏之若以乘機擠陷罪之無乃冤乎答曰予未知

此間事亦未知某人所為但永慶為毒物所害則明矣予命

放之而竟不得免焉死於獄中加以自死之名天地之間其冤極矣

噫予朝夕當是之人也故欲伸其寃於予在之時百年後雖歸見無
所已矣若其是非自有公論難將一人手掩得天下目如予嘗達
之人如坐針氈上何能知之大司諫李堅司諫李尚教獻納崔瑄
等避嫌 啓鄭澈賦性剛愎忌克媚嫉是事排陷異已睚眦必報
常恨崔永慶斥言其奸狀挾憾懷憤適乘逆賊之變做出無形之
說遂成其罪及其推究無形自 上 特命放釋則陰囑言官更
生罪目竟死獄中臣等欲論澈誣殺善士之罪而正言朴東莪有
異議以致公論不張云云 答曰予只自泥滯師等何必辭
於是府 啓請李尚教李堅崔瑄出仕朴東莪說違差遂與諫院合
啓請追奪鄭澈官爵副學金功等劄論連日不已

八月憲府 啓崔永慶常以鄭澈為索性小人心常銜之做出無
形之言一則曰吉三峯二則曰崔三峯終以三峯是永慶永慶既
死之後猶未快意反以理屈自盡為言雖祖珽續百升之謠南衣
成走育之讖亦不如是陰慘鄭曄者敢逞私訖抑止公論不得不
論此一人以扶國是云云 荅曰鄭澈論之恐汚口置之可也時
玉堂鄭曄兩司尹昉申欽李慶涵李時發辛慶晉李晔光趙守翼
等立異見遑

十一月十一日兩司合 啓請鄭澈削奪官職以正王法事依
啓傳曰故領敦寧府事鄭澈以蛇蝎之性懷鬼蜮之謀毒氣所
鍾惟以傷人害物為事項值逆愛入東朝權幸國家之禍以為

一已逞憾之地廣寘瓜牙多張網羅或使山野陳疏或令臺省上
章澈皆親自指授或手自草疏畧不顧忌打盡異已為牢國中以
為陷人之具凡以睚眦被擠害者不知其極姑以著者言之崔永
慶本林下士無與世事而但其平生嫉惡如仇常以澈為素性小
人澈心常銜之至於樞府會議之日倡說嶺南有名士人黨逆
者意指永慶欲起大獄因以盡陷一道士人適有力辯者澈乃曰
遣近臣于嶺御史吳德齡使之直向晉州經宿永慶欲採其言以成構
禍之謀而其家不為誣訴奉使之人亦不從澈意更與其黨造作
飛語一則曰吉三峯二則曰崔三峯終曰三峯是永慶也自唱自
和便作尋常說話傳播國中人皆飽聞然後方始起獄自上察

其寃 特命放釋而又喉臺諫請鞫至於鑒山通道越境相枉為
言其言之陰譎如此澈又於稠中乘醉以刀擬頸曰永慶之於吾
欲如此其處心積慮欲為報仇之計渠亦自不能掩覆也百般羅
織竟致瘦死雖祖珽續百升之謠南棗成走肖之讖亦不如此之
慘其恣行胃臆傾危賊害之狀昭然甚明有目皆見有口皆言惟
意好惡出入人罪雖出於賊口而澈意所好則必為之申解如南
彥經之類是也雖不識賊面而澈意所惡則橫被連累以死者如
崔永慶之類是也至於舉國稱寃公議日憤則乃曰 上意如此
我輩無如之何快讎於已而歸惡於 上其為用心巧且慘矣為
惡者身無存歿時無古今皆可討以誅不可謂事之已往而置而

不論追奪官爵事下吏曹見東

於是士林公議發發湖南有趙雪六賢之論六賢者東嶽南漢及

鄭困齋介清柳夢井

清

曹大中

錫

李黃鍾

晚

崔守愚

永慶

因大

臣議先已仲雪

萬曆二十三年乙未

朱

宣祖

二十八年

春臺諫及

湖南儒生

羅德潤等連

上疏劄言已丑獄連累人冤濫之事且引寒朗論楚獄一節責朝

臣之不言者云云

上批曰爾等之論至矣當議處焉

領相柳成龍啓曰近日臺諫及外方儒生連上疏劄言已丑冤

獄事責朝臣之不言者臣等當叩頭慚謝之不暇何顏更有論議

國運不幸逆賊之變出於縉紳之間方其獄事之始起也自

上已慮有波及之患以玉石俱焚為戒德音屢下若使其時當事按獄之臣推廣至意淑問明辨以得其虛實輕重之情不以一毫私意叅錯於其間則除元惡大憝及律所應坐者外其餘雖平昔交遊而未知逆謀者及一再見面一二書往來者與出於告訐出於風聞者皆當次第伸釋使情罪相補若是則人情皆服而冤枉得伸夫是之謂天討亦所謂王法而當時則有不然者其源實出於近年以來朝廷分裂形色彼此所謂一邊之人既假此以為收司連坐之計故其投合時好希望風旨投疏羅織者相續於公車之下而上自大夫下及韋布之士動足搖手舉在指目之中少有一言必陷於營救之罪所以三年大獄寃楚萬狀而無一人以事狀

徹聞於冕旒之下此則群臣負國之甚均有其罪未可專咎於一人也方事變之初悉開放釋之門天恩大滯幽冤盡洩其所以慰解人心祈天永命以立中興萬世之本者案非偶然也惟其如是故罪籍中生存者幾盡蒙恩而獨有亡死之人如崔永慶鄭介清柳夢井李黃鍾等未得一時昭雪永慶則特出上命而臺諫繼論既為洩冤又加贈爵凡在聞見孰不感激而介清夢井黃鍾之類雖人品有高下被罪有先後而其為冤枉則一也介清則於湖南人中尤有名稱平生以學術行檢自任而因偶然一篇之著論以至於滅身宜羅德閏葦千里裹足叫閣訴冤也大抵大兵大獄漢唐之所亡國也故大獄之後必有大兵理所然也今則

人心懲於既往邦命一新於將來匹夫匹婦若舍冤於重泉之下而不得見白則幽鬱之氣亦足以上干天和而為國家刑政之累非小事也臣等之意介清夢并黃鍾等特允儒生之疏志加伸望而此外未及舉名於疏劄者亦多有之依壬辰下教法當緣咥外悉為開釋之意令義禁府詳細開錄從其所坐輕重一體宥釋使解網之恩普被窮泉覆盆之下則其於維新之政所補不細惶恐敢達

見西崖集

荅曰後當面議

萬曆二十四年丙申

我宣祖二十九年

逆賊李夢鶴韓伯連起在相金應

南為推官治獄竟平物議洽然補之曰宰相治獄果如是夫時左相陳達榻前放釋湖西任璟等二百餘人湖南三十餘人完

事之日 上引見下教曰賴卿明白辨覈無如己丑冤死之事予
甚嘉尚左相起而對曰無非 聖上之德也豈臣之力也因進曰
臣豈敢為死友欺罔君父子李潑不知汝立之凶逆而與之相親
罪固當死而至謂同叅逆謀極其痛矣 上默然不荅公卽出宮
門外歎曰吾雖見景涵於地下可無愧矣吳判書晚翠爺自遄
中出謂人曰今日左相能陳不敢言之言如是可謂人耶不可及
也其前數月洪判書晚全爺上疏極陳東巖兄弟冤死之狀而且
曰至於杖殺八十老母壬辰倭變職競由此 上震怒特以守洪
州城斬賊魁夢鶴故終不之罪也

見撫松
小說

是年洪晚全可臣任洪州時因求言封事上疏曰臣伏讀 聖旨

曰寃死之臣旣命褒贈而泉壤之下尚有未得雪寃者予臣聞叛
逆大惡也刑戮大法也舉大法而加大惡天下之人孰不以爲快
乎不幸而所謂叛逆之人起於無故之日生於縉紳之間蔓延波
蕩之禍不辨玉石之焚則天下之人心必有憊然不平者矣嗟呼
己丑逆獄之慘言之氣短逆臣汝立口誦詩書性實包藏及其失
志狼狽陰懷惡慙潛引無賴之徒敢生射天之計神誅鬼殃未不
旋踵孥戮之刑上及祖先固其宜也至於二三朝紳則皆是一時名
流特爲好善不擇人聽言而不觀行書札問答之間妄論時事是
非是則不無其罪而謂之同叅逆謀以圖不軌則萬不是矣今不
問理義但以利害言之此人皆早得時望隆被聖眷朝陞暮

遷爵位通顯公卿之位可坐而致富貴之樂不求而至何茲肯順
效逆違安能危以苟僥倖於萬死百敗之中哉原夫朝著分裂士
論角立激揚進退之際未免形迹太露故一種輩流含憤切骨欲
伺間隙以售一網之計者不日月矢逆豎之變適當此時御史無
寒朗之譽譖大臣竊趙普之樞軸脅誘援引鍛鍊百端至於半潑
兄弟非但自身已矣而老母弱子并斃於嚴刑之下獄卒流涕更
胥興嗟上天至仁寧不赦此盡然而有傷乎到今七八年間國言
藉藉衆情哀苑朝臣之中蓋嘗屢以伸雪為言而斬伐之餘士氣
摧折僅能微啓其端而未能究極其說以待殿下自悟之日
嗚呼歲月逾邁如川之流而世變反覆無所不有殿下不於今

日而昭雪未知何時而可雪耶 殿下之心豈明於崔永慶而獨暗於此人哉誠以左右諸臣無能具此曲折奏徹 冤旒之下故一國皆知其冤而 殿下獨未知之耳冬陰之後必有春陽 殿下今日之間其惻隱之呈雪乎上

十二月前義禁府都事羅德潤等陳疏請伸六臣之冤畧曰敬浩於澈平日水火 殿下亦已知之矣上

萬曆二十五年丁酉我三十年 宣祖前正郎朴惺上疏請伸六臣之冤

萬曆二十六年戊戌我三十一 宣祖前正字曹守弘陳疏請伸六臣之

冤上

萬曆二十七年己亥我三十二 宣祖八月初二日前別座羅德俊等陳

疏請伸大臣之冤 批曰大抵是非當出於朝廷爾等之論雖勤

不須每煩同上

萬曆三十八年庚子三十三年宣祖春李相恒福體察于湖南 上使

議察逆節李相馳 啓曰逆賊非如烏鯢魚鰲處處生產之物難

以議察人皆誦之以為奇談見荷碑破寂錄

李相嘗侍 講筵罷左右史臣皆辭退李相獨留起拜曰臣嘗歛

一番 啓達而有意未果者有年矣臣猥荷遺遇致位匪撓將福

過灾生死無日不得暴白於 君父之前則臣死不瞑目矣

上曰卿勿如是張大第言之李相起拜而坐詳陳已丑獄臣為問

郎自初至終詳知李發兄弟原情及刑訊供辭誠非謀逆同叅之

人也大抵出變出於縉紳之中

天威震怒人莫不惴慄無人開

陳其寃狀蓋懾於威怒而然也潑亦曾前與鄭賊相親劫終不

免死於杖下而八十老母亦拷死此爲聖世之累也臣有所懷

而惶懼未達者此也上笑答曰不意如此之言出於卿口也李

相拜面對曰臣深知其至寃之人而終始畏憚天威不得暴白

則不但辜負聖世恩遇亦將齎恨於泉下而其於罪死之人寃

痛未伸者尤如何哉上顧謂史臣曰此有關於後日之言也勿

令遺漏而詳記之可也其時入侍熊春秋南復圭傳如是曰東廠

兄弟仲雪實權輿於白沙公之一言云云

見補松小記

萬曆二十九年辛丑我十四年宣祖五月上引對大臣白沙進啓

曰徃在已丑逆獄臣以問事卽終始隨參左相亦同時同參此外
無知者小臣多病朝夕濫死則誰復知曲折乎微小被罪者何可
盡數如李潑兄弟白惟讓等之被罪有若與賊同謀者然情私不
稱渠輩識見昏黑不知其窮凶極惡而敢爲薦拔之罪固不得辭
焉至於逆謀竊謂決不知也始出於鄭緝之供再出於任彥猷宣
弘福之招彥猷迷暗賤人嚴刑之下不無亂言逆賊乃萬古一惡
豈有再出於播紳者乎泛以交遊必謂同謀極涉矇昧自古叛將
強臣握權篡奪者陰樹黨與同惡爲逆則有之矣此賊身在鄉
家潛結無賴謀未發而事先覺士夫安得知之第以渠輩所通
書札見之則人皆可恕以其罪罪之人誰敢議至謂同謀案不近

情至於鄭友信罪名亦甚冤枉 上厲聲曰卿未可如是說按獄之體隨現定罪李潑非但出於鄭緝而他人之招亦多舉名李潑之與賊親密誰不知之白惟讓與賊連昏不須說也卿所陳者皆出臆料彼皆一體之人也白沙 啓曰若鄭緝其人全無心腸當時幸以 聖上命止勿問故亂引者止此緝如久在傷人必多以此見之其亂引無疑 上曰叛臣果再出搢紳之言尤為不可叛臣豈無同黨乎若如卿言而寬之則亂臣賊子何所懲乎白沙 啓曰汝立與黃海道無識人及山僧交遊往來造為亂言希冀非望之迹明矣臣意以為決無知者 上曰汝立出於何地非出於士夫間乎黨惡之人何可如是論春秋之法尤嚴於亂臣賊子之黨

也見白沙行狀

谿谷

張維

撰白沙李相國行狀有曰曾士禍起相國鄭澈為禍首云

公言已丑寃獄事作已丑錄江陵本白沙集載其書今其書上有

改作已丑錄行於世而其文多變更何也

眉叟記言白沙李相國事

萬曆三十年壬寅

我宣祖三十五年

春獻納崔忠元

隋城人

再劄伏以臣等

伏覩頃日

聖批以是非不可不定為

教大哉一言足以興邦

東國其庶幾乎夫崔永慶林下士耳忠孝大節為一代所推重危

言清論為衆小所媚嫉奸臣鄭澈見斥於永慶磨牙鼓吻其欲舍

沙而射之者久矣特未得其會矣不幸逆賊之變出於縉紳於是

澈乃揚臂而起乘時逞憾恣行胸臆聚黨以謀之合勢而圖之嗟

呼永慶烏得免焉其羅織之計構陷之狀欲言則長令人氣塞然
論其迹則鄭澈雖殺之而究其情則成渾實主之也何者渾是澈
之黨非渾澈不得售其奸也澈與渾交親情密合為一體澈之勢
藉渾而重渾之計托澈而行大小論議之際無不預知況於殺永
慶一事獨不知之耶以春秋誅意之法按是非定褒貶則渾為主
而澈次之千載之下必不免鈇鉞之誅矣惟幸 聖鑑孔昭無微
不燭渾之情狀呈露難掩 天札一頒是非的然所謂不待石
年而定者正為今日道也然此特論其心耳原其心則可惡考其
迹則難明今有二人焉有操刃而殺人者有傍觀而不救者執法
之官當先治其不救者乎當先治其操刃者乎此臣等之所以誅

成渾不救之心而不欲加之以殺人之罪者也夫豈必加之罪而後方可謂之罪之也至於再鞫論啓之臺諫則奴事權奸賊賢誤國不可以事在既往而有所饒貸臣等之請罪固非捨本治末也噫殿下之於成渾如見肺肝深惡痛絕則今日之是非不患不定伏願殿下終始體念使是非皆得其當好惡一出於正以定國論不勝幸甚 荅曰省劄具悉有曰渾實主之非渾澈不得售其奸又曰合為一體千載之下必不免銖鉞之誅渾之情狀今日畢露人心庶有知識公論可得行於萬世是非庶有所定渾澈為一時群小窟穴之主舉世蒙其欺誣未知其情狀則已既知其情狀則有言責者不得不攻破其窟穴使群小之輩乘時出沒他日

又有廣植非人引澈之子護澈之惡箝制士論杜絕公議九原窮天之痛雖不足計國事將日非矣豈非時君之責何但嘿口而已射人先射馬擒賊先擒王古之直臣依儒此說故前日妄言云云耳至於紛紛辭職誠為不可今見劄論良用嘉尚當更體念見崔九

逸傳

白沙李相行錄曰壬寅春時議大變群起嗷嗷拈出已丑按獄為嫁禍嚆矢至謂成牛溪嘆鄭澈殺崔永慶臺官啓辭有聽訟堂為嘯聚之地語又有非澈殺之乃渾殺之等語追削官職先生瞿然草劄曰竊聞三司交章以黨奸遺君罪成渾臣病中聞之於心有不安者夫渾不可罪也且不必罪也今惡而疎之則然矣舉而罪

之則不可渾少讀書於野老不仕於朝四方之人舉指為儒士儒
而見罪則遠外沉聞必將曰成渾獲罪矣土中枯骨何知榮辱來
世後生只自摧沮無益國家有損瞻聆况論渾者如言構殺永慶
而不得則曰永慶由渾而死次日曰吹噓逆賊是皆不近則迂曲繞
繞盤迴旋轉而後僅成今名渾之罪凡幾遷而幾易矣予是為人
求罪非所以因罪治人也今新進後生未會心迹仰人唇舌定我
黑白欣然揚臂曰渾可罪非憎渾也蓋自功之道在攻渾矣由此
言之攻渾之功只闕臣下罪渾之名終歸 君王此不可為也一
介孤臣敢抗朝議罪在不赦臨劄戰悚劄方具有清州人朴以儉
承柄臣旨上疏專攻先生曰敬之腹心尚據台鉉先生即引告不

果上閏二月右相尹承勲啓近日朝著不靖讒言沓至臣亦在
積謗之中矣頃者朴以儉力詆李某為鄭澈心腹李某一時同朝
豈不相識謂之心腹非其案也臣嘗聞李某與鄭澈未嘗私相往
還而李某之得此於時流蓋亦有由近日朝著將有大變寘而李
某居首相之位素不迎合上旨又不為浮議所撓人皆嚴憚且
於吏判備擬時時議屬望於柳永慶李某不為薦引以此必欲擊
去而後已此罪則小臣亦當同受同副承旨朴而章曰外人皆謂
李某與澈相親既與相親安可謂之不交乎臣聞澈謫去時李某
作詩送之澈亦和之雖非澈之心腹若曰不交云爾則大臣之言
不當如是後數日上又御講席特進官宋言慎啓曰辛卯

永在江界籍中有詩曰生涯薛罕嶺心事弼雲山指李某也 上

語曰此何謂也言慎曰弼雲郎李某號也左相金命元曰鄭澈心

常愛慕李某所以有作非有他意於其間也李某平生無一計之

官常寄婦翁權懷之家懷家在於仁玉山背後而仁王一名弼雲

則意者李某以是號也至於澈則李某年輩其後素無情分如臣

則與澈相過從以交澈為罪臣固當先伏法宋色沮而退王堂首

倡欲効先生齊發者七度竟以議不一而罷見錦陽尉朴淵撰白沙行狀

七月朝講兵判申礪 啓曰每欲仰達不得矣並獄時鄭澈密

啓曰賊言扼湖南之項截海西之口義兵從嶺南起則 宗社殆矣

一云嶺南大賊也 上以小紙 答曰聞此言者必預此謀誰為告變

郎為回啓臣以問事郎持封書拆於澈前澈甚以為悶不知所答
乃曰此言人人皆言君亦聞之耶臣對曰吾則無所聞澈曰此言
奇孝曾李善慶言之故聞之臣曰此事重大不可不詣闕親啓及
書啓不書奇李以李恒福書啓恒福曰澈自言故聞之矣今乃書
入吾名可悶云云

見錄臺日
錄已丑錄

萬曆三十四年丙午

我宣祖
三十九年

十月前察訪吳益昌等陳疏請伸

大臣之冤畧曰李澈李洁與逆賊所居隔遠初無交分及其父仲
虎為全州府尹澈洁兄弟為省親往來遂與之相見其妄交非人
之罪固當萬死至於逆賊凶謀則豈澈洁意慮之所及哉逆賊僥
倖科第急於盜名執贄求見於李珣成渾之門以為拔身之地自

此珥渾交口薦拔逆賊之名譽得徹清班則潞若未交之前逆賊
虛譽已隆矣然則見欺於逆賊者豈獨潞若乎臣等同在一道素
聞其孝友出於天性居家行誼無愧古人自其祖先十世連擢科
第八世并至清顯以其紅牌作為屏幃每於祀事之日設於中堂
敦勉子弟使無忝祖先則世蒙國恩思其欲報歟者至矣但緣
暗於知人為賊所欺竟使忠孝之志無路暴白而駢首就戮可悲
也夫

萬曆三十五年丁未

宣祖
四十年

生員梁克遴疏畧曰潞若之孝友

聞於人久矣居家曰講家廟親有疾衣不解帶兄弟四人同居一
室人無間言父死未訣為至痛養偏慈盡其孝則寧有愛其親而

遺其君者乎請伸寃 韓浩等疏請伸李潑等寃 叅奉崔弘宇等請伸五臣之寃

萬曆三十六年戊申

二月 遷光海君嗣位

二月前義禁府都事羅德潤

陳疏請伸己丑寃獄

光海荅曰事在先朝不敢輕議當與大臣

商確以處大臣收議完平府院君李元翼議曰己丑年間臣授任

在外因人聞見之事到今病昏亦已遺忘之白惟讓書辭事未能知

大槩李潑等以不慎交遊之罪至陷於謀逆之極禍人心之寃憐

痛楚久而愈深在今快從公論昭雪至寃實嗣服之初慰悅人心

之一大舉措也左議政李恒福議曰逆賊不難知逆謀則為逆臣

不逆則為平人而已故子家子最親於平子平陰之亂一朝而便為

仇敵王道乃敦之功族而南皇之事以大義滅親古今天下若此類何限而向國則為純臣背國則為逆臣龍蛇之判只在俄頃向背之間豈曰其親不親潑等平日引進逆臣使登顯仕及其誅逆連累而死勢也然朝家議法則當問政之有無不當諉之勢而任其死也臣猶記當時鞫聽議啓之辭一款有云搢紳之出一汝六已是大變夫豈有两汝立乎云云如曰必無是理則是不與逆賊也不與逆謀則與九臣奚擇焉惟其自處則泥首乞死可也臣於鞫獄之際所見如是已嘗言於同僚先王引對之日亦以是啓之頃日經迺又申前說若惟讓書中所言臣昏不能省記矣大槩如上所教故臣亦嘗曰惟讓逆名可虛官爵不可復也

領府事李山海議曰己丑年間臣罷散在家庭鞫一事不出於朝
報末由聞知雖因人粗得其一二而亦未詳焉大槩李潑等不慎
交遊之罪固有之矣以此陷於謀逆之極禍老母孺子駢首就戮
不亦慘乎自初至今二十餘年人心莫不以為冤痛而公論始發
於今日此正昭雪至冤之秋也滌去罪案還於舊德豈非幸甚
至如白惟讓書札中辭臣等專未聞知或言他人書辭而錯持
惟讓果然則不可不察而處之也右議政沈喜壽議曰臣伏觀備
忘記下教委曲得中似難容贅於其間但既謂李潑兄亦不與
逆謀至於平時最相親厚書尺往復推尋迄譽而已則死於知人
暗昧不慎交遊之罪足矣甚至老母孺子亦被刑禍前未所有之

律二十年後只給籍沒恐或未雪九泉之寃至於己丑之獄忝備
臺諫隨忝三省之座而未預於闕庭推鞠之廳故逆家文書之
未但聞道路之傳今所云云凶懷悖逆之言似在李震吉之書札
中不是惟讓之辭云年久之事實未能詳知清平府院君韓應寅
議曰己丑治獄之事末梢臣以承旨或忝鞫廳而至今病昏專未
記憶故李潑等事未能一一陳達矣大抵公論之發久而愈激則
快示昭雪以答輿望正在今日至於自惟讓書札往復之事亦未
能詳知然其時所聞亦如上教矣諸大臣議入光海答曰知
道待領相上未畢收議以處且鄭介清其時籍沒與否考啓其時
適有
逆變且值大亂
不得更啓矣

是歲生員姜鳳覽陳疏訟五臣之寃 光海下禁府議 啓禁府

回 啓畧曰逆臣汝立色凶飾偽厚誣一世當時士大夫稍有一

面之分莫不通書問答鄭介清等五人同在一道或與之相厚或

因書酬酢乃人之常情也及鄭賊劫奸孀女之彼士大夫莫不疑

訝絕不相問者有年凶逆之謀宜有與知之理乎又曰 先王聖

教一則曰非以其人等為逆謀同叅一則曰問訊雖過足為後戒

其非逆謀同叅則 先王既已洞燭矣又曰次第開釋惟在 聖

衷 光海答曰姑俟後日

萬曆三十七年己酉光海元年三司合 啓請雪五臣之寃畧曰己丑

逆獄出於搢紳之間按獄之臣乘時構陷一時名賢并陷於禍網有

罪無辜駢首就戮當時抱冤慘不忍言又曰今我聖上大需朽骨案出於繼述之孝豈可謂三年無改之比乎請李潑李洁白惟讓鄭介清等蕩滌罪案復其官爵還其籍沒此外寃死之人函令廟堂盡加查考一體施行光海荅曰凡事莫如待時而行予意諭之已盡姑待後日

是冬湖南進士羅德潤前叅奉崔弘宇等疏畧曰李潑李洁鄭介清等已有還給籍沒復其官爵之命而獨柳夢井曹大中等猶未蒙赦宥之恩臣等請先言夢井大中之寃後及潑等介清之事夢井清直人也與鄭賊暫有識面之分絕無相厚之端而曾與鄭仁弘為言官論鄭澈與沈義謙同事之罪見忤

權奸及其逆獄之起自上已有自家定配之命而澈強請拿鞫受刑一次自上又有停刑之命而澈又密啓請拿鞫一日再鞫殺之後已曹大中剛毅人也與逆賊素不相知為本道都事適有相見而已大中與澈同在一道絕不相見大中之為反第澈要與之見大中終不肯往澈之懷憤非一日也逆賊之初造作流言羅織殺之終有斬屍之禍二臣之無辜受構至於此極窮泉之痛庸有極乎若乃李潑李浩既無先幾之見果有親厚之分其死寧當更有何恨然不慎交遊之罪終至於滅其身老母弱子并被刑禍此不足贖其罪乎臣等之所以前後稱寃者非謂痛惜其死而只以未暴其非逆之心情請伸之章非止一再矣汪恩旣

洽惠澤旁流瞻聆所暨孰不抃躍然臣等之少有所憾者藉沒雖
給而官爵未復至於介清林下一善士也儒林不幸抱冤而死今
承復官之命得蒙 贈官賜祭之榮至有錄用子孫之恩介清之
死與永慶同冤介清之學無讓於永慶以 先王處永慶之道為
今日廢介清之法豈不幸矣至於尹教中以潑沽舅甥之故亦在
削奪之類潑沽已雪則况潑等之族何靳復爵之命乎澈之子宗
溟敢陳誣罔之疏彰飾虛偽之說假托訟父之冤欲戲沮伸冤之
事人之罔極胡至於此已丑橫禍將復見於今日云云
再疏羅德潤為疏首請伸五臣之冤

三司合 啓自己酉始請潑沽惟讓介清伸冤 光海每以三年

之內不敢輕議為答

萬曆三十八年庚戌

光海二年

宣祖升廟後三司覆

啓請伸五臣之

寃累月連

啓五月十八日

光海答曰公論如是當議而處之

萬曆三十九年辛亥

光海三年

儒生羅德顯等陳疏請伸五臣之寃

生員姜鳳覽等陳疏請還給李潑等官爵追崇鄭介清之賢又命

柳夢井曹大中以下并蒙渙汗之恩

生員羅元吉等陳疏請給李潑等籍沒鄭介清復其爵其疏畧曰

當初按獄之臣挾憾構誣以推鞠廳為逞怒之阱或陰諉逆黨使

之援引

如宣弘福鄭緝

或指無為有

弘福等招但云李潑兄弟

一亂言而推官稱以李潑浩之名出於賊招構或謂其罪目大臣金貴榮答辭云潑浩等賄播罪目只繫於密親綱繆而別

的無同參逆謀
之端云云
終寘極律以至老母緝子并罹刑禍言之慘矣

右二疏末詳年月而
似在此年故附此

萬曆四十四年丙辰光海八年六月初四日儒生柳光烈等陳疏請

伸五臣之寃疏入踏啓字下禁府十四日禁府回啓請伸靈

荅曰依允時朝議處亂
未及復官



東南小史卷之三

